

# 野史

六十一

第一百六十七卷 武臣列傳  
 島津義久  
 第一百六十八卷 武臣列傳  
 立花宗茂

和書門			
一〇〇冊	九架	一三五六號	類

內閣文庫	
番號	和 10356
冊數	100(61)
函號	269 35

庫	文	間	內
三九函	一〇三五六號	和	書
一五架	一〇〇冊	類	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







和<sup>共百</sup>三<sup>百九十二</sup>號

野史卷

百六十七

武臣列傳第七十五

島津義久

飯田忠彦 修  
男 文彦 訓點  
竹中 邦香 校

島津義久。姓源氏。始祖忠久。大將軍賴朝子。母者比企能員妹也。建久四年。賜薩摩守護。受命伐日向大隅。而居鹿兒島。藩翰譜

島津系圖云。薩隅日三州守護。東鑑亦同。安貞元年記云。豐後守護云云。



忠久八世忠國。藩翰譜作九世長子友久。稱右馬頭。次男立

久。稱陸奧守。繼家。立久孫勝久襲封。孱弱且亾度。大

永六年八月。封內乖亂。宗族胥議。謀廢立。勝久懼委

國務於友久孫忠良。國史實錄忠良勇而智。討逆納順。國

人悅服。十一月。勝久養貴久爲子。讓與家國。實錄貴久記

○藩翰譜云。貴久與勝久不快。遂逐而奪國。

七年三月。勝久退居伊佐。實錄藩翰譜而後統下錯亂。遂

絕親交。

○薩州舊傳集云。勝久族重久構讒。將鳩殺貴久。

事發覺。會有浮說。勝久終退居伊佐鬢石。時年十

年十四恐有誤

四。後死于櫻島。○藩翰譜云。勝久逃豐後。是時矣耶。未詳。

貴久。忠良子也。初稱三郎左衛門。修文練武。撫綏領

下。三州國人。往往來服。實錄貴久記天文六年十月。大友

義鑑攻日向高城。山田新介拒守。貴久赴援。與義鑑

戰于白坂。後太平記評判八年十二月。貴久獻鳥銃於大將

軍義晴。先是文龜元年。南蠻國送銃筒。未傳其術。是

年八月。蠻舶到大隅種島。繫纜於西村小浦。明儒汪

五峯乘舶來。島主時堯子時正。善蠻語。誘入赤尾木

湊。時堯厚饗。懇問銃術。得傳受。時堯以授貴久。是時



紀伊人根來寺杉坊偶來。就時堯學。統術。明年蠻船  
又載鐵匠來。傳術于鍛工。金兵衛清定。界浦商賈橋  
屋。又三郎能熟製工。遂遍布諸州。後太平記十四年三月。  
貴久為三州守護。實錄貴久二十一。十一月六月。叙從五位  
下。任修理大夫。歷名土代貴久記。永祿元年四月。貴久使子  
義久將兵攻蒲生城。城主菱刈某自殺。城陷。實錄剃髮  
入道號伯圓齋。元龜二年六月卒。年五十八。法名大  
中。號南林寺。島津系長子乃義久。次義弘。次歲久。稱  
左衛門尉。季家久。義久本名義辰。天文二十一年。大  
將軍義輝賜諱字。永祿七年三月。叙正五位下。任修

理太夫。一本島津家譜初父貴久與伊東義祐。交兵積年。亟  
不利。竟割予薩半國。逸史作大隅既而貴久。義祐皆卒。義  
祐子祐丘柔懦不競。義久剛武。國始強。累戰盡復。侵  
地。遂取大隅。天正元年。義久率兵入日向。與祐丘戰。  
大敗之。獲其良二十人。伊東氏遂衰。逸史四年八月。義  
久率步騎八千。伐日向。入加久藤。祐丘邀戰。一日三  
回。遂克之。祐丘走高原城。義久進拔之。祐丘遁入野  
尻城。十二月。弟義弘率師一萬圍之。祐丘又走。進攻  
宮碕城。義久亦率族人攻伐。諸城寨望風降潰。祐丘  
終走豐後。義久乃併隅日二州。後太平記六年九月。義

野 其 卷一百六十七 三三



久遣義弘步騎五千入肥後。圍攻宇土城數重。城主伯耆顯孝拒戰不屈。歷日而後行成。義弘令鎌田寬栖兵二千攻圍城井鎮房弟鎮照於下野莊。迄十月。城兵死亾多。兄弟終乞降。致城而去。佐佐軍記。大友宗麟率豐筑四州師八萬而納伊東祐丘于日向。圍高城。弟家久與城守馳入告急。義久將師數萬將發。前宵夢得句曰。天幾乎宇都。天津多乃加波能。毛美知可那。左右以為佳兆。乃發。與宗麟戰。宗麟鋒銳甚。義久殆危。會烈風暴起。旗幟飜飛。豐軍以為薩師掩至。將士披靡。義久乘機奮鬪。宗麟遂敗。追北。遂擊抵高城。

川。大破之。斬獲一萬餘。宗麟勢衰。九州將士望風來屬之多。實錄。貴久記。十一月。義久復與宗麟戰。大克之。豐軍潰走。十二月。右府信長使伊勢貞順來諭。義久宗麟和解。於是罷戰通好。實錄。七年二月。遣新綱忠光。梅北宮內左衛門。本鄉能登騎兵六萬三千。入肥後合志。山本。隈部親永遣其子親安守山鹿。城村。富田家治于永野城。多久宗免。古莊秀家等于鶴巢城。自督兵四千三百。據隈府城。拒禦。能登攻城村。忠元攻長野。鶴巢宮內攻隈府。踰年而不決。菊池軍記。五月。叙從四位下。一本家譜。忠元率兵三千。略肥後。拔河內城。築名群

野 卷一百六十七 四二



城。義久欲伐相良。義陽自督兵入肥後。攻蘆北。水股。義弘攻德群。島津幸久。樺山則久。攻輕石尾。侵伐郡邑。義陽率兵赴援。不克。退守八代。麓城。八月。島津伊勢守兵千八百。入蘆北。圍義陽。士深水宗方于水股城。尋義久與義陽行成。八年正月。義久遣河上左京。赴援隈部。而左京陣于高山。尋義久呂忠元及左京宮內。欲與龍造寺決戰。使本鄉能登駐兵攻伐。道明年十二月。收兵。是歲。城親賢合志隆重。隈部親永。伯耆顯孝。河尻高橋等。通信於義久。而蒞出馬。甲斐宗運聞之。率子宗屯及阿蘇家人八千。屯于託摩原。本

條。諸隊分隊于白河。且過瀨。西砥磧。邑半田。藥師町邊。親賢隆重等。陣于且過瀨前。宇土。河尻等。伏兵於砥磧。支戰。親賢隆重等兵敗走。宗麟悅。賞予飽田郡池上邑于宗運。九年五月。義弘與伊集院忠棟率兵二萬餘。入肥後。與顯孝謀。顯孝侵略飽田郡。應之。宗麟麾下河尻隈莊兵。與之。對抗于宇土。顯孝擊卻之。甲斐宗立志。率兵八百來援。顯孝復擊走之。軍記。先是義久與龍造寺隆信爭肥後。戰鬪累月而不決。於是行成分地。以鷹背川為境界而罷。逸史。天正十年。義久遣義弘。援田尻鑑種。與豐裨將戶次道雪。高橋紹



運戰不利而罷。是年龍造寺氏和議破。義弘入肥後。使忠元忠棟掠畧郡邑城。赤星隈部之徒叛。隆信來歸。隆信恚殺赤星質子。赤星悲憤請曰。往日菊地盛大之秋。城赤星八代。武名振遠近。及菊池氏亾。屬大友氏。復隸龍造寺氏。皆所以計時機也。而隆信荐震猛威。不顧世謗。叨殺戮無辜。臣欲酬讎。勢衰力微。不能果志。願因大守慈仁。以報宿憾。義弘久許諾。有馬義純與田尻鑑種俱畔隆信。來送款。義純族深江伯耆守。獨嬰牙城不貳。隆信使江上家種。橫岳家實。馬場鑑周等兵七千援焉。深江與有馬中間僅不達一里。

義純送質。乞援于義弘。義弘乃使忠元忠棟及樺山播磨守川上左京亮等救之。一日左京及新納刑部大輔巡邏。途與深江下野守遇。縱火搏鬪。刑部死之。下野乘機出兵。圍安德城。擊卻之。義弘使忠元留援有馬。召歸將士。肥陽軍記義弘遣稻富新介兵二千入肥後。侵畧阿蘇南鄉。而陣于山際。高森雅直與戰。負。據守其城。新介進攻。薄牙城。雅直力屈。乞降。致城而去。尋雅直乞援於岡城主志賀道輝。道輝乃率兵千五百。抵南鄉。雅直為先導。十二月宵急襲。戍兵避走。雅直遂復城。菊池軍記天正十三年或作十二年春。龍造寺政家





攻有馬城。有馬義純乞救。義久使弟家久肥陽軍記率步騎三千赴救。隆信率甲兵六萬或作五萬來伐。家久悉斷纜。迎戰于島原。川上左京亮遂獲隆信。家譜肥陽軍記家久進圍深江城。義純亦出兵俱攻。終拔之。伯耆亦死。深堀純政固守。遣人諭降。不從。悉屠殺其人。送首於佐賀。肥陽軍記筑紫廣門與秋月種實屬肥後。既而廣門與岩屋和平。種實懼。使其人來送款。原田信種。城井鎮房。長野種信。高橋元種等。皆納款。龍造寺政家聞種實來服。送其弟爲質。請行成。至是馬場。高木。八重。大塚等。皆背政家而來降。九州軍記九州治亂記

四月。義久率師伐畧筑前。先是義久威武稍震。秋月松浦等國人三十餘城。悉降服。使秋月種實。伊集院忠棟等爲前鋒。入筑前。拔高鳥井城。城主杉連並棄壁。走鞍手郡。治亂記使星野吉實守高鳥井城。殘太平記義久連年兵威強盛。西海國人望風來服。義久將併豐後。當是時。關白秀吉布武天下。權勢日熾。伊東祐丘去國之京師。賴秀吉請復國。天正十四年正月。大友宗麟亦往京師。見秀吉。請爲征西先鋒。義久遣鎌田刑部左衛門適京師。請爲八州守護。秀吉曰。薩隅二州。義久本封。加授日向。肥後。筑後三州各其半。日向



半國伊東舊封。宜與彼。又豐前一國。肥筑各半國。爲大友領邑。以肥前附毛利氏。筑前可收官庫也。義久志曰。我連年廻謀略。統領此州郡。奚爲從秀吉所置乎。乃使義弘。家久率師略筑前。先是秋月種實乞師。六月。義弘及忠棟率肥筑豐五州師四萬。入肥筑。島津家久。新納忠元島津世錄記作忠元。木入祈道。本田肝付等。及日隅薩師三萬。伐豐後。治亂記。是月下旬。義弘本書作義久。次肥後大津山。肥陽軍記作高野山。今從治亂記。軍容甚熾。島津圖書。伊集院肥前守爲先鋒。七月。濟筑後川。攻一瀨邑城。筑紫廣門禦戰不克。城遂陷。進薄勝尾城。

崖下。廣門遂出降。出之筑後大善寺。治亂記。肥陽軍記。忠棟謂義弘本書作忠長。曰。廣門已降。宜回師。秋月種實曰。僕所以乞師。欲伐紹運耳。紹運尙存。諸將奚以歸焉。遂進攻巖屋城。狩野源內兵衛覺書。義弘到大宰府。軍高尾山。二肥及筑後國人皆會。龍造寺政家相良。有馬松浦。原田等亦使其人率兵會。帥總四萬。種實獨駐備豐後。九州軍記。巖屋城陷。高橋紹運自殺。義弘禽紹運子統增。義弘爲人驍武。率兵北略。諸城寨多潰。立花宗茂馳入。告急于秀吉。乞援。宗茂遣輕兵。攻星野吉實。及弟民部于高鳥井城。拔之。立花戰功記。義弘軍隨圍立花

野  
地  
卷一百六十七  
八



城。秀吉聞宗茂報，遣黑田如水往安藝，諭應援。毛利輝元發師。八月，吉川元春、小早川隆景爲先鋒，入豐前。次小倉，如水爲監軍，議進取。賀久入道專慶據香春嶽城，屬義久固備，使其子久盛兵二千，據宇留津寨，拒禦而不撓。隆景廻計，謂叅曰：先擊獲久盛，其父自撓屈，乃進師，合圍宇留津寨，奮勵力攻。久盛勢盡，拒死。殘兵走香春嶽，師進圍香春嶽，專慶脫甲致城而去。馬嶽障子嶽等寨相次而潰。殘太平記義弘圍立花累句。宗茂不屈，會藝師至，退次八代。宗茂出援巖屋城。九月，秀吉遣仙石秀久招諭義久，移書徵朝貢。且

誠曰：義久設不聽命，退次境上，待孤大兵至，慎勿浪戰取屈。以令張敵勢，使長曾我部元親率師繼之。加藤嘉明、脇坂安治隸焉。義久恚，投書于地曰：胡孫奴奚不遜，自吾先君忠久國于此，承世十四，歷年四百，戒王事者，有近衛公而已。捕使者，繫錮，使家久爲部將，率兵二萬，出邀之。豐後秀久大怒，退與大友氏兵。自督兵六千，與元親俱進戰。家久邀擊，大克之。元親子信親及十河存保死之。部下獲信親首，競擊卻之。元親奔伊豫。秀久奔豐前。大友氏兵潰，特嘉明安治戮力健闘而退。家久不敢進，兵威大振。島津家譜實錄義



久伐豐。三道分兵而入。降潰者十六城。大友義統出拒之。大敗。棄府內城。終至高碕。藩翰譜、逸史十一月。義久益進兵攻畧。使伊集院美作。野村備中。白濱周防。攻鶴碕。主岡掃部死于高城之役。妻林氏守節撫孤。聞兵至。命浚塹增壘。設陷窰。身擐甲率侍女。橫梁巡視。薩兵爭登。隨方捍禦。會糧竭。乃佯請平。屢邀三裨將享之。出少艾佐酒。及師撤還。約偕往。設伏擊破之。斬美作等。餘衆潰走。大友氏屬下。城守出死力。破敵得雋者。唯婺婦林氏云。裂女傳、逸史十二月。義久長驅進及府內。義統猶不能保。又走龍王城。義久入府內城。分

兵四出攻略。義弘又過肥後入豐後。拔諸城而會焉。藩翰譜、逸史初。義統與義久抗衡累年。戰罷兵機屈撓。不能禦備。棄府內。及佐伯。白杵諸城遁走。據妙見嶽。以俟秀吉之至。義弘及家久因據府內地。將屠立花并九州。抵肥前。畧郡邑。收師於筑後。南海治亂記毛利輝元親督山陰山陽兵。濟豐前。秀吉亦聞秀久等軍敗。下令整師旅。天正十五年三月。發京師。豐鑑、藩翰譜三月。豐臣秀長抵豐前。與輝元會議。移檄遠近。刻日進勦。義久棄府內而遁。

○藩翰譜云。秀吉使僧興山。及一色某赴府內城。



見義久說曰。請罷戰收兵。宜候殿下。義久不從。秀長入陽嶽。輝元抵府內。義久兵寡不敵。沿道多畔。土寇亦競起。俱阻擊之。義久轉戰鬪崎嶇。多喪部下。乘風雨而還。留家久令守耳川。固備嚴戒。秀長令義統保府內。長驅入日向。家久初踰耳川。保海濱城。於是焚城而退。保高城。藝師進圍攻。吉川元長夜拔田間出塞。家久亦夜斫龜井。玆矩陣。宮部繼潤出救之。家久殞兵。攻繼潤陣而不克。兵士多損傷。明日繼潤檢點薩兵死尸。盡割刺兩腕曰。薩人何某。今夜戰死云。家久姪忠親亦死。實三月十七日也。實錄、治亂記 秀吉

親率舟師。次馬嶽。師總二十二萬。數道分兵而進。四月朔。拔巖石城而降阿蘇大宮司。又入筑前。攻秋月種實下之。實錄、藩翰譜 家久棄高城而走。入戶莊城。而乞和平。南海治亂記 家久部下本鄉某。獨不聽和平。迨秀長入大隅。遂屈乞降。十一日秀吉次高良山。東肥皆降。薩兵屯戍者。望風而潰。新納忠元。伊集院忠棟。以勇聞。義久之遁也。退保合志城。於是不知所爲。聞島津征久在入代。走投之。舟師迫入代。下敎大赦。四方歸降者。關咽道路。秀吉隨加綏撫。往往復其邑秩。師進入薩。島津忠辰出降。藩翰譜、逸史 五月四日。秀吉進次千



代川。大布陣營。四近諸城皆潰。隅薩震駭。豐鑑、唯桂  
忠昉守平佐城。城枕川。加藤嘉明。脇坂安治。九鬼嘉  
隆。率舟師伐之。鼓衆齊登。安治身攀壘而入。忠昉乃  
降。逸史秀吉此行。以本願寺光佐自隨。命招諭九州門  
徒。於是士民奔波。多輸芻糧金帛。或潛身歸降。傾貲  
支給者。相屬於道。諸吏不能禁。千代川四面。山路險  
隘。鹿兒島一向僧。能諳地利。以通舟路。出入甚便。義  
久切齒於光佐。後及事平。捕鹿兒島一向僧。斫殺之。  
殫逐封內一向僧。下令國中。不得遵其教。著爲永式。  
蓋到于今。世守嚴禁。比諸天主教云。逸史伊東祐丘導

秀長入隅。伊東氏遺民爭應之。島津家久以佐土原  
降。前田利家。淺野長政。龍造寺政家。徇隅。薩諸城往  
往迎降。已而師逼鹿兒島。豐鑑、藩義久大懼。與臣庶  
議曰。秀吉武威。猶水之就下。沛然不可禦。於是累世  
系統將斷。不如校時以期家業之綿邈也。伊集院忠  
棟抵秀長營。謝請宥罪。以達秀吉。秀吉曰。義久罪雖  
不容誅。故家也。不忍殲焉。乃諭忠棟而還。豐鑑、時新  
納忠元議再舉曰。我以死力戰。則捍禦大兵足矣。徒  
偃戈則國中似無一男子也。利鈍成敗。非所論耳。乃  
是我職。頃聞敵糧食匱乏。我固持久。則又得媾和。義



久誠曰。子言實是也。然我且有所思。今而變。則食言  
之謗在于我。子若欲忠於社稷。枉從吾言。乃萬全之  
策也。忠元默而罷。實錄尋義久髡首緇服。與櫬。與一小  
童。造太平寺行營。秀吉禮而使反。義弘及歲久。家久。  
伊集院忠棟。新納忠元。忠元從等。各獻質執謁。實久  
錄。○實錄作執。謁于天童尾云。秀吉見忠元曰。渠勇士也。乃賜眉尖  
刀一柄。且召予服。親自授修羅扇。褒焉。實錄六月。秀吉  
歸營于博多。義久。義弘至博多。悉收侵奪之地。更封  
薩摩及日隅各二郡於義久。義弘謁見畢。秀吉班師。  
實久記。義久立義弘爲嗣。自號龍伯。稱三位法印。系圖

家譜十六年冬。肥後國人叛。守護佐佐成政。伊集院忠  
棟在大坂。秀吉命討土寇。細川幽齋。石田三成亦寄  
書於義弘。義弘乃率兵。抵肥後大口。時成政意疑其  
私侵矣。使相良長每禦諸蘆北。津名木。義弘謂我欲  
援成政。鎮土寇。非與長每可戰也。歸陣大口。以窺動  
靜。迨明年二月。土寇平。義弘收兵。遣忠棟赴大坂。報  
長每搃撓。不救成政之狀。長每老深水宗方傳聞。馳  
往大坂。陳謝。秀吉置而不問。佐軍記。福島正則。淺野長  
政。加藤清正往肥後。先是國人伯耆顯孝往大坂。歎  
謝不黨土寇。會顯孝弟顯輝據宇土城。不奉命。秀吉



怒沒收顯孝采邑。遣諸將伐之。小西行長攻宇土城。顯輝以兵寡食乏。棄城潛匿。薩摩出水。義久受命遣人收之。顯輝從者拒戰不屈。義久兵死傷者多。終攻獲顯輝。顯輝時年十九云。佐軍記、藩翰譜、庚子亂。義弘赴役。龍伯與清正如水相抗于津名木。水股。逮關原敗。問至。薩兵歸自佐敷。龍伯不救戰。因福島正則。愬曰。義久嘗非懷異心。實兵庫入道所爲也。及義弘遁歸。幽諸櫻島以俟命。清正如水於是回軍。龍伯欲如大坂謝罪。會罹疾不瘥。使姪忠恒代往。先是忠恒殺伊集院忠棟入道。幸倪于伏見邸。於是幸倪子忠真貴久

記作以邑畔。境內騷擾。周年定之。龍伯疾亦久不瘥。屢失東上期。使家人鎌田出雲赴謝。藩翰譜、六年七月。使者入京師。依井伊直政。本多正信。山口直友。懇謝。八月。正信直友受命。賜盟書於龍伯及姪忠恒。貴久實錄、七年四月。賜薩隅二州及日向諸縣郡。龍伯將赴大坂。興疾而出。會伊集院忠真復畔。乃交兵。累月滅之。使忠恒赴大坂拜命。貴久實錄、十六年正月卒。系圖、家譜、  
○藩翰譜。家忠日記。並作十一月十九日卒去。  
歲七十九。藩翰譜、法名存忠。貫明。號妙名寺。系圖、家譜、  
義久老後。義弘謂曰。頃歲兵革無事。恐壯者生懈。請

十四二



加嚴戒對曰。然某亦憶之。令誰檢監。曰。請君督之。曰。請卿為副。厲激嚴過。則卻有害矣。上能尊禮厚義。不疏。衆歸德。則自勉勵焉。義弘流汗浸衣而退。誦家手錄 窓乃嘗命畫工。模寫和漢惡行無道。亡國亡家事蹟。而曰。善行一事不得行。惡行一事難得去。居常見聞往時。思到今日。慎其身。慎其身。則善事生於其中也。遺子孫為訓戒焉。勢免天話草。木平時士美談。 義弘。本名忠平。小字又四郎。系圖。稱兵庫頭。系家圖。叙從四位下。任侍從。系藩翰譜。武勇絕倫。談笑擊敵。系家譜。天正十二年。兄義久無子。以義弘為嗣。實錄。十四年十二月。

與仙石秀久。長曾我部元親。戰于戶次川而克之。河十物。十五年三月。率兵救高城。軍敗而還。豐臣家譜。續王代一覽。僧興山及一色某。受秀吉旨來說。勸諭行成。然不聽。迨大兵至。義弘與家久相議。謂大兵叵敵。不如還保三州險要。俟時變。乃班兵。實錄。六月。遂乞降。悉削兼併之地。復舊封。十月。義弘如京師。逸史。文祿元年。征明役起。義弘家久俱率師一萬航海。豐臣家實錄。六月。肥後人梅北某。樹黨作亂。攻熊本城。未幾被誅。秀吉意疑龍伯遣梅北。東照宮為和解之。令龍伯就國。七月。秀吉使細川幽齋來譴。龍伯弟歲久稱病不拜謁。龍伯懼





令歲久自殺。實錄二年六月。義弘屬宇喜多秀家。攻晉州城。家譜四年六月。秀吉遣幽齋。檢量薩隅及日向郡邑。授三十七萬八千七百餘石於義弘。分十萬石。爲龍伯老休料。各賜印章。實錄慶長二年四月。秀吉欲得虎肉爲藥餌。命在韓諸將求之。義弘遂獵山壑。發銃馳驅。會二虎奮躍出。多害人。義弘家人福永左衛門從後執一虎尾。搦之松樹。長野六兵衛執刀斫之。一虎忿吼。安田九右衛門揮刀進。刺貫虎喉。殪之以獻。秀吉感悅。授書賞焉。實錄八月。隸毛利秀元。拈闖向全州。初韓遊擊陳愚衷以調守全州。以接

應南原。二城相距止百餘里。愚衷入城。踏勘地勢。見十里外山寨中。藏貯米豆火盜砲鉛彈弓矢槍刀筩牌等物。各千萬計。遂令搬運入城。州官堅意不肯。愚衷自令人連夜運諸城。分派各兵防禦。及南原告急。揚元星火差人求救。愚衷畏懦。卒不肯發兵。及聞南原已破。全州士民。望風震駭。舉欲逃竄。愚衷兵阻之。反傷其兵。盡燒積聚。乘夜撞出城門。愚衷無計。迨二十日寅時。哨探報師將到任實。愚衷遂帶領所部。棄城北走。師遂取全州。聚蓄米穀砲矢而暫憇焉。豐臣家譜平壤三年八月。義弘望津之寨。尤爲天險。北倚晉江。



東築永春。西城昆陽。三寨鼎立。爲犄角。皆峙于新寨之前。義弘以新寨爲根據。其地三面環海。一面通陸。外有石城。木柵數重。引海爲濠。海艇泊於寨下者常數千。又築金海固城兩寨。爲左右翼。而中造東陽倉。積糧萬計。屯重兵於泗川城以守之。自望津至新寨四十餘里。連寨入據。步步爲營。勢甚猖獗。每迭出剽掠陝川。宜寧。咸陽。高靈之間。中路遊擊茅國器初分得全州。自請救經略。謂中路義弘極狡黠。請自當之。經略萬世德壯其言。乃復增與兵。改守星州。豐臣家譜、平壤錄。明中路隊長董一元統率所部。至尙州。始議大舉。

乃進駐高靈。晉州。武備志云、躬往宣晉州前有大江。府、募家丁、未至。江之南卽爲望津。望津之南皆我營也。我師據望津。臨江固守。勢彌天險。明虜相持月餘。國器謂提督曰。細看敵營。自望津以至新寨。勢若長蛇。望津其首也。碎其首。餘如破竹矣。但晉江不能飛渡。當以計取之。一元是其言。然未得閑。一日國器兵出哨。忽一麗婦從我營出。問其由。婦出一紙內書。云。此婦將渡異域矣。吾甚憐之。捐貲以贖。放還故土。明韓兵將當憐其窮困。勿加殺害。則救蟻之德也。尾云。知吾姓者。令公之後。埋兒之父。問吾名者。有或之口。無手之按。理內



書國器不能解。標下贊畫諸葛鏞解之曰。贖婦姓名必郭國安也。國器默然。入語參謀史世用。聞之。躍然曰。郭國安先在<sub>二</sub>日本時。與有<sub>一</sub>舊約。報效國家。今在<sub>レ</sub>彼。即可得<sub>レ</sub>間矣。因別令麗倭三庶來探。方知義弘尙在<sub>二</sub>泗川老營。惟國安在<sub>二</sub>望津營。乃復令三庶持<sub>二</sub>世用書來見。國安因約以<sub>二</sub>九月二十日。伏火於營屯根處。俟<sub>一</sub>明虜將渡。發<sub>レ</sub>火焚糧草。爲<sub>二</sub>內應。至<sub>二</sub>期日。明虜整<sub>レ</sub>兵。欲<sub>レ</sub>渡<sub>レ</sub>河。我兵出營。臨<sub>二</sub>江堵截。忽望津寨中火勢焰<sub>レ</sub>天。師驚走救。虜乘<sub>レ</sub>機畢渡。追躡。遂破<sub>二</sub>望津大寨二座。樓房二千餘間。盡行<sub>二</sub>燒燬。士卒贍落。退守<sub>二</sub>泗川。是日一元

分兵。東襲<sub>二</sub>破永春。武備志作<sub>レ</sub>麻。貴破<sub>二</sub>永春云。寨廠又盡焚燒。明日五更。西破<sub>二</sub>昆陽。月下交戰。我兵退奔。寨廠盡付<sub>二</sub>煨燼。二營既破。明虜得<sub>二</sub>班兵于江南。義弘所<sub>レ</sub>馘雖<sub>二</sub>頗多。衆寡不敵。皆走<sub>二</sub>保泗川。豐臣家譜。平壤錄。一元進圍<sub>二</sub>新寨。義弘部下欲<sub>レ</sub>出戰。義弘制止曰。彼多我寡。以寡不可敵<sub>レ</sub>衆。是兵家禁也。接戰則有<sub>レ</sub>禍矣。虜如來則一舉殲焉。三大附錄。一元使<sub>二</sub>茅國器持<sub>レ</sub>旗檯檄。資<sub>二</sub>金帛。抵<sub>二</sub>新寨。說以<sub>一</sub>和親。郭國安從<sub>レ</sub>傍贊其義。然義弘弗聽。悉遂<sub>レ</sub>卻之。  
○平壤錄。武備志並云。義弘許諾。已而師衆乏<sub>レ</sub>糧。歸心益迫。清正無<sub>レ</sub>糧。令人見<sub>二</sub>義弘叩借。義弘曰。吾



糧亦盡矣。奈何。往叩各營。皆然。始相約撤兵。  
二十八日。義弘兵在泗川者。可三百騎。李寧以大同  
驍將。恃勇背衆。先入。進薄城下大路。守兵乘之。擊敗  
之。因茲虜後軍辟易。次日遲明。一元率虜。逼泗川。城  
兵四散。剽刈米稻。見虜皆棄禾奔散。城中懼其所圍。  
馳入于新寨。乞救。而後步騎三百。出城奮戰。廬得功  
以騎兵衝陣。中統而斃。城兵乘勝。一元兵既入寨中。  
縱火。將士屢請赴救。義弘弗聽。曰。虜衆而氣銳。難與  
爭。棄泗川兵。固我所不忍。然衆虜乘機入新寨。則我  
軍不保矣。不若固壁。以逸待勞。部將伊勢貞昌躍馬

而進。會泗川兵逃來。貞昌相共歸入新寨。一元焚東  
陽倉。火不燬者兩日夜。迄圍新寨。將士皆奮。欲邀戰。  
義弘嚴令不許。子忠恒欲擊卻之。義弘叱曰。不知虜  
多寡。則必勿挑矣。豐臣家譜、逸史初一元等議取新寨。國器  
曰。敵雖敗而士尙衆。併歸大營。其守必力。攻之不下。  
而援兵四集。往事可鑑也。不若先攻固城。敵方挫未  
敢出救。固城拔則新寨援絕。此長策也。一元犂前勝  
掀髯曰。疾雷不掩耳。寨將不戰而下矣。遂進圍之。武備志  
義弘不敢出兵。一元素憚薩師。疑有謀。入夜解圍  
退次泗川。忠恒等海不戰。豐臣家譜、逸史十月朔。一元遣茅



國器。葉邦榮。彭信古。步兵三營。直抵寨下。郝三聘。師道立。馬里文。藍芳威。馬步四營。虜總二十萬。復攻新寨。分作左右堵伏。止留步兵二技守老營。自卯至巳。國器信古等薄城壁。發大熾。擊寨門。碎樓堞數處。步兵逼陞。拔柵爭登。義弘隨機防禦。殺傷過當。閔呼震地。會彭兵皆京城。不習戰。又不善火器。虜腹炸破。火藥齊燃。黑烟蔽空。明虜迷駭。城中乘勢啓門衝突。忠恒鼓策直冲。信古兵皆潰走。三千皆殲。餘衆披靡。免者僅數十。三聘道立馬騎兵環城而射。一元兵潰。各望風遁走。城兵追尾。遊軍國器邦榮見之。

謂城中無人。督兵一萬。擣虛傳城。義弘逆料之。團兵五千以待。至則齊出奮擊。虜死鬪。然已在重圍中。衆寡不敵。殺傷甚多。芳威在後軍。望之先潰。一元勵激士卒。欲旋軍而復戰。不能約止。各虜遂大潰。隨崖隕。不可勝紀。追亡逐北。國器中軍徐世卿。望津而戰。人獲之。於是回卒下令速收城。斬首三萬八千七百餘級。豐臣家譜國器及抵望津。謂望津天險。得之不易。若棄去。彼爲我據矣。因會集諸虜。收散卒。欲復守望津。請命一元。一元恇撓。顧曰。此地亦孤立。倘固城欲併刀來攻。何以禦之。惟應暫還星州。圖再舉耳。



揚鞭奔星州。諸虜潰走。忍餒扶傷。天寒日暮。晝伏夜行。盤桓山中。奔走一二百里。棄甲仗。相蹂躪。泣聲震野。或擠崖谷。接殞道路者。又數百人。疆尸倚藉。直抵陝川。才得少息。義弘以糧餉乏。又不敢長驅而還。平壤錄武。韓音呼島津爲石曼子。於是石曼子威名益著。以止兒啼云。義弘所獲首級。悉剝之。盛十大樽。以送行營。豐臣家譜。明將孟老爺使參議大夫龍渥來求和議。送弟毛國科。或作號字。當考。爲質。載俱歸。島津實錄。中路諸將以十六日。行李上船。義弘亦撒泗川而上船。於是明虜各爲準備。陳璘在海上。聞之喜曰。吾亦擊

攻收功。此其時矣。卽令鄧子龍協同朝鮮李時發。引千餘水兵。駕三巨艦爲前鋒。破浪直攻南海。正遇我船無數渡海。子龍欲奪頭功。親與家丁二百餘。齊上韓船。衝鋒力擊。義弘且戰且退。子龍不期後船用火器。失手反擊鄧船。篷檣俱焚。明虜竄伏在一邊。行長乘勢登舟。子龍副將及家丁皆斫死。時發見子龍有失。奮勇前救。又及於難。第三船把總沈理努力而前。大煩齊發。行長苦戰。士卒多斃。陳蠶李金等隨後邀擊。我本不慣水戰。況無鬪志。餘衆不屬。義弘反舟迎取。與陳蠶陶明宰戰。皆獲之。劉綎亦乘機邀截中路



之師。俱有斬獲。風潮亦便。義弘行長將毛國科等八人。及縱所差劉天爵等。皆留在船。護送渡海。乃蜚帆而歸。豐臣家譜、藩翰譜、慶長四年正月。東照宮與諸老議外征之功。以義弘父子新寨之捷。得完歸計。其勳尤著。併公田在薩。出水。高城二郡。四萬石。悉予之。奏請任義弘參議。義弘參議從家譜、續王代一覽、子忠恒右近衛少將。各先賜劍一口。豐臣家譜、舊傳錄、○按島津家譜、三月。忠恒誅臣伊集院忠棟入道幸侃於伏見第。幸侃雖陪臣。太閤秀吉命賜食邑八萬石。列直臣。安民記、誇功遂懷異圖。忠恒嘗謀之。未果。是日召幸侃於茶室。終誅之。

其妻爲質。在忠恒許。聞變與從者犇鞍馬。安民記、大幸侃屬下周章。或將鬪。東照宮使伊奈今成謂忠恒曰。幸侃從卒仇卿。卿守備兵。如不足則遣援兵矣。伏見騷擾。忠恒懼。避居于高雄麓。宮與諸老議。宥忠恒罪。遣數千騎迎忠恒於伏見。尋忠恒就國。幸侃子忠直。據日向莊內城。構財部。安永野等十二寨而畔。義弘遣兵討之。九月。東照宮遣寺澤蔭高。山田直友。令行成。於是忠直乞降。舊傳集、安民記、庚子亂。三成。長盛使人來謂曰。爲我內府興兵。請來俱議。義弘曰。以何故起干戈。我未辨其由。請辭。再使人曰。此舉非敢爲私意。



爲幼君所謀也。前盟不言耶。不叛幼君。實爲表裏矣。  
義弘曰。我奚爲背嗣君。卽應之。豐久諫曰。此舉。內府  
得勝明矣。何與鼠輩同謀覆社稷乎。義弘曰。我所懼。  
廢盟言。則他日失信於衆矣。因今以部下赴會。一舉  
戰死耳。社稷之事。龍伯忠恒在國。汝等莫勞念。大志  
島津傳義弘乃會三成等。或作內應三成。募七月。與諸  
將攻伏見城。八月攻大垣。九月十五日列陣于關原。  
小關南。德川兩軍敗衄。時義弘率兵三千固備。未甚  
敗。小早川秀秋鼓衆逼之。義弘殊死戰。筑兵皆走。義  
弘兵亦多死。見兵僅五百。義弘自謂卻非武。乃以銃

自環。取途於多羅尾嶺。直擊東軍。福島正之過之不  
克。酒井家次軍又勒。井伊直政擁性高公子忠吉。迭  
進犄角。族姪豐久死之。直政追躡。抵牧田。追之。義弘  
將死之。阿多忠貴。落穗集作長壽院成淳叩馬諫。自稱兵庫頭。  
代而死。乃得脫走。直政又中砲。傷臂馬斃。義弘與數  
十騎踰嶺。自伊勢至甲賀。糧盡喉乾。命士卒徧索食  
而不得。民皆裹糧逃匿。山林田野更無一掬之黍。義  
弘問牛馬。曰有。卽割食。猶入山中失路。擲得一老夫。  
爲鄉導。稍抵上野。遣使於筒井定次。曰。兵庫頭。今過  
城下也。會土寇競起。要嶮岨。擒二人。斬五人。梟首於



上野城前門。縛虜於柵。建榜而去。十七日黎明。出南都。取佩笄以授老夫。曰。子必來薩。厚謝。遣歸焉。是夜達界浦。乘入江孫右衛門舟。會大坂商賈田邊屋道與。德川記、道與作、作菴、護義弘夫人而至。遂挈之。浮海而還。實錄、落穗集、石田軍記、

○卜齋慶長記云。義弘抵尼碕。與立花宗茂遇。舟中偕航而還。○藩翰譜云。義弘免死。遣川上忠元於行營。曰。義弘過而黨大坂。頗似背舊誼。非敢本意。今過營頭。故遣使演旨。就國而後。具狀以報。乃往擊土寇。到大坂而還。

黑田如水攻安喜城。置戍於森江湊。義弘與之遇。相戰而去。二十三日。著日向。石田軍記、先是加藤清正攻宇土城。義弘部下援之。攻清正所部佐敷城。清正拔宇土。率步騎八千先驅。如水率兵三千後乘。與義弘相抗于津名木水勝。及敗。問至。義弘收兵。藩翰譜、義弘歸國。龍伯不悅。疏斥不見。義弘謝曰。嘗欲入伏見。竭忠內府。然鳥居元忠不聽。是以不得已而黨賊也。然猶懼征討。不辨所爲。龍伯素服東照宮。宮亦以其强大而僻也。病於勞。師毒民。乃聲言大舉航海。先令人風諭龍伯。龍伯幽義弘于櫻島。馳使乞降。



○慶長記云。義弘逃歸國。國人謂不能死。敗軍之地。貪生逃歸。我後世子孫之瑕疵也。拒而弗納。後歷三年。調和得入國。

慶長七年四月。東照宮納降。頒朱章。復舊封。義弘剃髮入道號惟新。家譜、藩翰譜十二年正月。惟新復呂宋國王。郎徹路黎勝君迎書曰。周易曰。日中爲市。致天下之民。聚天下之貨。交易而退。各得其所。聖人之言。百世豈可廢哉。我聞呂宋之爲地。國富民豐。而南商北賈。往還如織。亦不繁華之地哉。我日本與貴國。遙雖隔大洋。仰光華於千里之外。是亦山厨羅明敖陀巴

禮之所能知也。前年憑仗巴禮。求貴國商船。載貨來。而富我國家。非翹欲富國家。若其遷貨之有無。國家人民各得其所。聯遠之交。又豈有離貳哉。夫玉之爲美也。韞匱而藏之。則不爲天下之用。海貨蠻珍。無不皆然。不以其所有。易其所無。則其用不均。而其貨亦終是腐而已。伏乞足下圖之。去歲所發之一隻船。大洋波穩。而著我一島。繫纜者有日矣。非不思惠而豫防之。逆風俄起。折樹木。揚砂石。吁時乎命乎。船忽破矣。我不忍見之。新造一船。順風揚帆。令商客歸。爲惟願足下。憐我愚誠。來歲薰風自南之節。使一船載貨



來貿易所須。各得如意。若然則我國山川草木亦蒙  
光彩。况國家人民乎。是年又復書於呂宋國巴禮王  
揭須微釋褒郎輝來綿倪黎明勝密檢氏。十七年八  
月。惟新荅書於呂宋船主。外蕃通書引南浦文集元和五年七  
月薨。年八十五。家譜、藩翰譜法名自貞松齡。號妙圓寺。系圖、  
家譜、義弘或詠歌曰。比登乃宇。遍波。加我美仁。駕計天。  
彌留登我。能和雅美。廼可解乃。那止久毛。類良武。鹿兒  
島名、有三男。曰久保。字又一郎。從父于朝鮮。罹瘴病。  
文錄二年。卒于唐島。家譜

○薩州舊傳集云。久保從父于朝鮮。久保素驍勇。

伊集院忠棟嫌忌。當出軍之日。道路有架橋。忠棟  
奪橋桁。久保不知。黎明上騎而過。與橋陷。深壑死。  
傳臣有川貞世憤怨自殺。

次家久。次忠清。字又四郎。蚤死。

家久。本名忠恒。小字又八郎。系圖家譜。文祿三年十月。從

父于朝鮮。巨濟陣。而屯加德島。頃間韓虜出戰艦於

釜山浦。欲隘我水道。故在陣。諸將會巨濟。爲之備。實錄

慶長二年七月。發全羅。忠清道。是時明虜屯南原城。

拒我師。八月。諸將圍攻。遂拔之。從父與加藤嘉明陣

北嶺。明虜將來攻。我橫擊之。獲首四百二十一級。而



後陣于泗川。三年十月。明虜二十萬來攻新寨。忠恒啓門先驅迎擊。二虜揮戈前。忠恒下騎提佩刀。截戈獲首。猶與衆虜相搏傷肩。十一月。秀吉計問至。諸將欲回師。松浦鎮信有馬晴信。大村喜前。五島純玄。小西行長爲明虜大所圍于順天。忠恒從父督兵。擊虜船。便路救鎮信等凱旋。家譜東照宮與諸老議。賜刀於忠恒。任右近衛少將。兼陸奥守。叙從四位下。家譜慶長七年十一月。如伏見謁東照宮。謝嗣封之命。又爲宇喜多秀家請減死赦罪。許可。系圖實錄十年九月。東照宮賜諱字及族松平。立爲永式。忠恒改名家

久。系圖家忠。琉球國自嘉吉年間。舊傳集作爲島津日記追加。氏屬國。頃歲違戾。不貢聘。先是遣使再三譴責。或開諭而不從。於是請征伐之。東照宮許可。實久記十四年三月。家久出軍于湊山川。遣新納一氏等赴伐。樺山久高以習流三年。艘艦一百先登。過大島。抵德島。夷拒禦者一千。師縱銃追擊。夷驚懼。相呼曰。棍端發火。殺人。叫泣而走。獲夷三百。進略永良部。與論島。而達連天港。倭師繼之。初家久命調試戰艦器仗。琉球商賈在薩者。馳歸告諸國王。王大駭。遽構寨於海濱。預爲之備。師航海。達夷地一二里。日進僅五町。或六

野史 卷一百六十七 二十七



七町軍威彌熾。球夷舉國沒鍊鎖於津口。列巨銃守備。四月。師抵那霸津。上岸。海瀕達山。險崖多蛇。夷恃險不置戍。師擇精銳乘輕舸。黎明縱火赭山。而入取要溪灘。進到千里山。夷將陳文碩。孟龜靈等走。轉攻虎竹城。疾戰拔之。相戰三日。斬虜數百人。遂奪城門。合圍將攻之。新虜以下。據貴久記。琉球王尙寧使弟具志馳舸乞降。不聽。五月。師五戰。遂達國都。王寧面縛出降。師前後禽諸王子。及三月。宮按司親方等數十人。下令禁劫掠。所在標榜。以安集種夷。置戍而還。出軍六旬。琉球悉平。藩翰譜實錄。琉球征伐記。

○貴久記。島津家譜並云。樺山久高爲將。平田太郎左衛門副焉。

七月。琉球王寧來聘。家久以聞。東照宮賜琉球于家久。載書賞成功之速。分琉球國租稅二十萬石半。授王寧半收取焉。實錄。藩翰譜。十二年八月。家久以王寧如駿府及江府。家譜實錄。十八年十月。家久予書琉球王。及琉球屬軍福建軍門曰。貴國之地鄰支那。支那與日本不通商船者三十餘年于今矣。我將軍憂之餘。欲使家久與貴國相談。而年年來商船於貴國。而明與日本商賈。通貨財之有無。若然則匪翅富於吾邦。貴



國亦人人其富潤屋。而民又歌於市。抃於野。豈復又泰平之象哉。我將軍之志在茲矣。是故家久使官二人。告之於三司官。三司官不可。將軍若有問之。則家久可如之何哉。是我夙夜念茲而不措者也。而州君寄書於我。其書曰。夫邦國在於四方也。有金玉者。或不足于錦繡。有粟米者。或不足于器皿。若有餘而不足。不足而無聚。民用不足。而其貨又腐。惟座而待腐。不如通其有無。各得其所矣。日本非無金玉器皿。其土宜質素。而不及於支那之文質彬彬。是故使我參謀於兩國。一以使日本商船。許以容之明邊地。二以

使明商船來我小邦。交相貿易。三以使一遣使。年年通其貨之有無者。匪翅富兩國人民。明亦無為我嚴備兵衛矣。三者共無許之。令日本西海道九國數萬之軍。進伐於明數十州。鄰於日本者。必有近憂矣。是皆日本大樹將軍之意。而州君所以欲通兩國之志者也。伏冀軍門老大人。於斯三者。許一於此。我小邦大沐明之德化。且遂日本之夙志。是亦天朝恤遠字小之仁心也云云。通書引南浦文集。具岡軍記。慶長十九年十月。家久遂卻大坂使者曰。關原之役。自犯夷滅之罪。我所以報孺子畢矣。今完舊封。實德川氏之賜。孺子無

序  
史  
卷一百六十七  
二十九



所與焉。再造之恩。經久未報。我豈有佗志乎。遂馳人  
駿府告之。且曰。軍事已措辦。進止唯命。大坂記、冬之  
役。風波不便而不到。藩翰、夏之役。率兵到平戶。聞軍  
散。駐兵艦。到伏見。執謁。家傳、藩翰、元和二年。安南國華  
郡公呈書於家久。六月。復書。附贈戎衣十領。長劍十  
口。弓鞞各十具。硫黃一萬斤。通書引、日記、文章、三年六月。家  
久齋示支那商賈書曰。須知我薩摩州。與明雖隔萬  
里之修程。年年泊商船者。自古皆然。明商客之所得  
而能知也。今日本有一將軍。發號於東西。施令於南  
北。日本風行草偃。是故置一官於長碕。使之招異國

之商船。以爲其所止之處矣。實因茲南商北賈。指此  
地爲要津矣。是今商客之所得而能聞也。自今以往  
雖曰明商船之隨風而來於我薩州之地。頃刻不許  
繫船於我地矣。一將軍之素心。不愆不怙。率由舊章。  
由是視之。今雖令長碕爲南客之所止。後必治商船  
於我薩州。以爲貿易所須之處。亦未可知也。商客姑  
觸之。今也一官之號令。誰敢可濫之乎。商客其念之。  
通書引、七月。任參議。公卿補任、藩翰譜、○島津家譜、  
日記、是日兼任左近衛權中將。  
十月。辭。補任、寬永三年八月。任權中納言。陞從三位。家譜、  
藩翰稱薩摩守。後改大隅守。家譜、十五年二月。病篤。



誠子族曰。勿懈怠。勿遺忠。克護邦家。言畢而薨。歲六  
十三。系圖家譜、藩翰譜、法名花心琴月。高野山墓碑、號慈眼  
院。系圖家譜、有多子。長曰光久。本名忠元。累任左近衛權  
中將。叙從四位上。稱薩摩守。正保四年十一月十三  
日。修犬追物於武州王子邑。大猷公莅焉。侯伯陪從。  
以爲奇觀。舊章錄、續、犬追物者。演弓之業。釋射手定  
番。設將放犬。騎上取嘴矢。縱射。各有制式。又閱武之  
法云。元祿七年夏卒。子孫襲封。爵位冠西土。次曰忠  
平。或作忠明、稱兵庫頭。曰久直。叙爵。稱式部少輔。繼北鄉  
曰忠弘。或作忠廣、稱東市正。曰忠共。或作忠尙、稱出羽守。繼町

田。曰忠紀。叙爵。稱玄蕃頭。曰重永。稱七郎。族稱根古。  
曰久雄。稱安藝守。曰政由。或作正勝、稱藏人。繼鎌田。曰忠  
良。或作久周、稱右衛門佐。繼伊集院。曰忠隆。或作忠心、稱又十  
郎。族稱桂。曰立久。或作久朝、稱源介。繼伊集院。曰貞治。或作貞昭、稱集人正。繼伊勢。曰久尙。稱又九郎。繼樺山氏。系圖家譜、  
家久。貴久四子。義久義弘季弟也。稱中務大輔。系圖家傳、  
勇武精悍。不善飲酒遊戲。常講武事爲樂。立花道雪、  
書。天正十二年三月。龍造寺隆信侵伐肥前。攻貝城。  
家久赴援。軍于燒趾。隆信師二萬來圍。時家久兵僅



野史 卷一百六十七  
十分之一。對抗而不撓。隆信輕侮寡單。圍重蒞明家。久子豐久時年十三。家久自結之表帶。抽刀斷其餘。使新納忠元。伊集院忠棟設伏于二處。督兵軍。約突隆信中軍。薩之軍法也。令先驅隊齊發銃。轉把長秘。競擊。勢如電雷。事發不意。肥軍上下騷亂。家久殊死戰。隆信上軍。將士多死。隆信嘗剛勇。掩擊縱橫。麾兵血戰。遂死之。諸隊悉潰。或謂直進屠佐賀城。家久掉頭曰。否。此役惟有復天艸耳。以隆信蹂躪彼地。伐之。爲兵且寡。無念肥地。以勝爲勝。我宗軍法。永次此地。弗祥。乃乘輕舸。濟天艸。嚴戒守令而還。古物史、天

正十四年。秋月種實與大友義統戰。乞援于義久。家久乃率兵赴援。攻筑紫廣門於朝日城。遂擒幽之。攻巖屋城。高橋紹運死之。種實猶請攻立花寶滿城。家久遣人於寶滿。諭和平。城主幼稚。從而致城。種實復請攻立花城。家久不肯而回。古物語、十五年三月。家久將兵一萬守耳川。是夜悉殺斫南條官部陣。南條元續不能支。諸部救之。薩兵破官部。繼潤柵而入。繼潤捍禦甚力。所禽數十人。姪忠親死。天明諸部兵至。佐鬪。家久走入城。羽柴秀長乃相持涉數日。家久焚城而遁。實錄、貴六月。家久會秀長于陣營。中鳩毒死。系圖、



實、子忠長。二子忠將。

忠將稱右馬頭。永祿四年七月。戰死于大隅。長子以久。稱右馬頭。爲佐土原城主。日向。食邑三萬石。子彰久。稱右衛門尉。從征明。死于巨濟陣中。二男重時。出繼伊集院氏。三子忠興。叙爵。稱右馬頭。列侯籍。割邑三千石於二子久。富仕幕府。

野史卷一百六十七終

野史卷一百六十八

飯田忠彦 修  
男 文彦 訓點  
竹中邦香 校

武臣列傳第七十六

立花宗茂 高橋鎮種 元種

立花宗茂。本名統虎。筑前人也。實高橋鎮種入道紹運子。爲戶次鑑連入道道雪養子。戶次氏出自大友親秀二男重秀。重秀初居豐後大分郡戶次莊。因以爲族稱。重秀十一世親載徙居大野郡鑑嶽。親載生親貞。親貞生親家。親家生鑑連。初其母由布氏。禱田



原八幡祠<sub>一</sub>。娠生鑑連。小字八幡丸。立花家譜、初名守  
親。十四歲元服。大友義鑑授諱字。改名鑑連。字孫二  
郎。稱伯耆守。紀伊守。丹後守。左衛門大夫。及長穎敏  
曉勇絕倫。育士恤民。恩惠備至。立花事實、天文四年  
八月。菊池族叛。大友義鎮令鑑連伐之。與城赤星隈  
部等戰于車返。立花戰死錄、弘治三年七月。與高橋  
鑑種。白杵鑑速。攻秋月文種。殺之。八月。進攻筑紫惟  
門于勝尾城。拔之。九州軍記、永祿五年五月。剃髮。是  
時大友義鎮剃髮號宗麟。授偏字。鑑連號麟白。既而  
大友氏稍衰。四疆多虞。適有僧自中國至。鑑連曰。我

老。冀事豐後。有終始。師其爲擇名。僧曰。雪降于道者  
道消。君欲保晚節。其道雪乎。於是軒號麟白。名曰道  
雪。家譜、十月。小早川隆景帥二萬。攻門司城。城險而兵  
寡。宍戶大學冒矢石。坂崖先登。城陷。隆景入城。宗麟  
聞敗。使道雪及齋藤鎮實。吉弘鑑理兵二萬。赴擊之。  
至立石原。分作二隊。道雪循安達山。西出柳浦。鎮實  
鑑理次魚野。鷗野。踰山。進與藝師戰于柳浦。使軍每  
矢書戶次。丹後守贈以射。已而鎮實等踰山而進。藝  
師入城保。道雪等聯陣於西山。屬海以薄城。藝師以  
主客勢異。豐兵日積。棄城而去。追擊蹙之海。九州治

史 卷一百六十八 三十四



永祿十年七月。道雪與鑑速。鑑理。出軍太宰府。與高橋鑑種。大戰于寶滿山下。敵鋒甚銳。兵卻者二。道雪親督戰。十時惟忠等善戰。有敵一人。引弓射道雪。距可三步。內田鎮竝以身蔽障。中矢死。道雪免。尋圍寶滿。八月。攻秋月種實。戰于甘水長谷山。自巳至申。七回道雪。用刀多所斬獲。惟忠驍勇。以刀鋒貫一人。高揭投之。五步外。後人呼其地。曰投人原。次日進攻城。督衆冒矢石以登。遂克之。種實退保古所山。道雪軍林松。九州軍記。列陣以蹙古所山。國人聞藝援軍至。相告歸。鎮實等退次于松尾。鑑速等亦將回兵。九月三日。

夜。種實出襲二人陣。舉軍潰。士卒鳥散。城兵乘勝。逐我軍。不能破。小卻。篝火相持。道雪兵止百二十餘人。秋月兵衆。道雪欲出奇取之。滅火吹笛傳呼。陽出敵後。因其恟懼擊破之。天明聚潰卒。益進力戰。追北至古所山下。恐斷後。退次人次原。是戰一族鑑堅。親繁。親宗。鑑比。及十時惟忠。由布惟清等。死者五十餘人。立花懷覺記、淺川開書、戶次幸榮覺書。十一月。宗麟召歸諸將。獨留道雪守西陸。豐前覺書。永祿十一年。道雪討立花鑑載。鑑載亦道雪同族。其先出自大友氏。世爲立花城主。鑑載父鑑光以來。有功於豐。加以屬。宗麟遇之極隆。鑑載



少賤微。已從肥筑之役。屢有功。及爲立花城主。禮遇與先世不異。稍驕恣。欲滅宗家。併吞西州。事露見誅。鑑載又雄傑。其母自幼誨以悖逆。終至覆宗。鑑載實軸丸右近子也。或以爲秋月文種遺種。文種之誅也。有妾方娠。有姿容。右近納以爲妻。無幾生男。及右近有罪見誅。一萬田彈正欲取其妾。遂併取其子。養又甚愛之。得爲立花氏後。云。淺川覺書引立花之城。曰井樓山。鑑載所據。西城曰白嶽。奴留陽融泉居之。初鑑載聞毛利元就武威稍震于上國。以爲九州亦且爲元就所并。欲蚤自略。使人謂元就曰。立花險

絕。爲九州要鎮。君若西略。請爲鄉導。高橋鑑種亦使其老衛藤尾張請援。於是元就發長防二州兵八千。赴立花。薦野宗鎮。奴留陽融泉。未多比大學助等。未知鑑載有異志。每相議軍事。一日鑑載以申樂。召宗鎮。大學而殺之。急攻白嶽。融泉僅以身免。走筑後。四月。藝師入立花。於是道雪軍筑後赤司。鑑理。鑑速軍于八町島募兵。將攻寶滿。會鑑載叛。二十四日。率三萬。傳立花崖下。鑑載與安部民部等。併兵一萬。拒戰。主客相傳。積石成崖。捍師。道雪揮兵先登。城兵潰散。鑑載自殺。九州軍記、豐前覺書、餘兵走名島。乃使白杵進士等



守立花城。九州軍記。尋道雪軍野田。欲盡誅國人與秋月高橋者。國人聞之。皆走寶滿。秋月衛藤尾張與鑑載誓同死生。及戰敗。棄鑑載而走。爲人所笑。病之。欲拔立花以雪前耻。嘯集散亡。與原田親種。清水左近合兵。八月二日黎明。進攻立花。主將告急於道雪。道雪自野田。鑑速。鑑理俱率兵赴救。鑑速等背城以戰。兩軍皆疲。交綏。敵更出衝。道雪軍。道雪督兵圍之。治亂記。鑑速。鑑理鼓譟薄敵後。親種等知不免。殊死戰。道雪分兵作六隊。小野鎮幸爲先隊。更進戰。敵兵死傷殆盡。獲尾張。左近走。親種喪馬步鬪。有人與騎而走。九州

軍記、宗像 立花已平。道雪留統筑前事。鑑速。鑑理移軍于太宰府。復攻寶滿。秋月種實降。豐前覺書。永祿十二年。道雪與宗麟發伐肥前筑紫廣門。援龍造寺隆信。道雪從日田先發擊卻之。讓狀。三月。宗麟令道雪及鑑速。鑑理爲先鋒。進濟筑紫川。軍朝日山。鑑理軍水上。諭隆信曰。速來謝罪。否必屠之。不應。師進畧蓼神碕。道雪軍于姊村。鑑速軍境原。距城里餘。隆信不肯出。歷二旬。一夜中軍訛言。隆信將襲境原。衆疑懼。軍師石宗進計道雪。道雪與左右往鑑速陣。曰。軍中恇擾。卿又速脫甲就寢。鑑速從之。軍爲定。天明道雪督軍

卷一百六十八  
三十七



進半里許。徹民屋半燬者。建營。會隆信遣人來贈白馬。曰。久勞軍事。往者有命。至高良山相見。遷延未果。今將親詣軍謝罪。道雪謂是緩師而已。受馬謝而遣。居月餘。隆信不至。肥後人城親賢屬鑑理陣。隆信勸移陣。肥人盡移軍南關北關。師退次高良山。而道雪勸宗麟。先回旗。而道雪遣人謂親賢曰。聞藝師將踰海而西。待其至。擊蹙之。肥人或懷反側。事定無復望食其土。親賢乃來會。師將自太宰府進。道雪鑑速。鑑理進軍於博多箱碕。會大雨。河水漲。止次警固。藥院。故糧運不屬。箱碕坐主。憐清爲募餉于箱碕。輸之。尋

濟多多良河。藝師雲集。從蘆屋濱。至立花山下。藝師舟載器械完備。豐師陸運不繼。上長尾山。兵皆會集。藝師送歸立花留守白杵進士等於村子嶽。豐前覺書五月。宗麟出陣。日田道雪等軍海渚。藝師軍長尾。十八日。進與之戰。讓狀。治亂記。

○九州軍記。九州治亂記並云。是戰吉川。小早川已出而陣。豐師望見。分兵三萬五千。作二部。道雪鑑速。鑑理等。各將五千。爲一軍。其餘豐筑肥諸部二十四人。每人分隊。五月十八日。大戰于多多良濱。勝負未分。道雪進伐長尾軍。躬親搏戰。藝師退



立町。諸軍乘機奮擊。藝兵退保立花城。據險自固。道雪士十時。惟則等死亾多。○豐前覺書云。初與藝師相拒。道雪謂鑑速。鑑理曰。藝師不出。當進擊之。衆欲俟戰。道雪笑曰。我一隊當之。無不勝矣。坐待彼至。何爲。遂發諸部縱戰。○又云。六月下旬。藝師已保城。日出輕卒。罵豐師。道雪及鑑速。鑑理曰。諺云。勝而點胃纓。然曠日相持。無益也。乃整衆。經山谿間稍進。藝兵發銃挑之。豐兵焚山下一營而還。

豐藝相拒已久。兵皆罷倦。日就軍中。置酒高會。豐師

陸路轉輸。每苦難繼。藝則海道便近。糧食饒贍。至十月。將校請曰。暴師數月。屢苦乏絕。恐難耐寒。且退次宿戶。俟明春。道雪曰。武神臨我。某尚死有益於國。臣節終矣。誓不退也。遂不言歸。十二日夜大雪。藝營火起。豐師恠之。欲追之。而立花方巡城。警大急。猶豫皆甲而待。及天明。使諜視之。藝師已去。淵谷間凍死相屬。因急追之。不及。唯斬落後者數百人。豐前覺書

○大友興廢記。逸史並云。十月。藝師以國有亂。襲拔立花。置戍回師。吉川。小早川殿而去。豐兵請追。道雪弗聽。曰。藝師甚整。未可冀也。乃諭立花戍者。



行成。成者致城而去。○宗像追考記云。十月望夜雨雪。藝師置戍于立花城而去。諸軍追之不及。皆

據藝營。攻立花。固守不下。諭守將。送歸之藝。

十一月。道雪在蘆屋。移軍于嘉摩。穗波。次日攻寶滿。

銃丸雨下。高橋鑑種因吉弘鑑理乞降。豐前覺書元龜元

年。移次筑後赤司。十月。宗麟命道雪鎮立花。薦野家譜豐前

覺書。二年。高橋紹運守巖屋寶滿。與筑紫。秋月對抗。筑

紫。秋月嘗通隆信。宗麟與隆信行成。猶令道雪備之。

宗麟崇信耶蘇。擬建幾利支丹等。壞神祠佛刹。家國

衰弊。道雪諫曰。頃年國政無度。每戰失利。郡國諸士。

及兒童靡不彈指者。請棄邪歸正路。諫錄宗麟

厭之。稱壓肥後。寘道雪于立花。言曰。卿嘗所請。以老

成爲我守之。道雪遂徙居立花城。後改族稱立花云。

肥陽軍記天正六年十一月。聞敵將攻寶滿。立花十

二月。與紹運俱入保。初辛未年。統筑前事。至此八年。

始城守。屢出兵。與秋月筑紫戰。天正七年六月。築早

良山西砦。先是箱碕坐主方請築東砦于松尾。因使

坐主守之。豐前覺書龍造寺隆信與秋月筑紫同叛。使其

族家晴。及鍋島彈介將兵數千入柳川。與城主蒲池

鎮連謀。將攻諸豪屬豐者。秋月筑紫多築寨於境上。



欲侵寶滿立。花地。道雪。紹運。又築砦於東山龍城。置  
戍。秋月。筑紫。屢出兵挑戰。紹運與相持未戰。原田隆  
種與委奴郡兵。應隆信。將攻鷲嶽。安樂平。二人聞之。  
與謀。紹運拒禦。筑紫。秋月。道雪。獨與隆種戰。及敵兵  
出。早良。道雪。親將軍。藍原。七月。隆種釋安樂平。渡早  
良河。逆戰於鳥飼。勝負未分。小田部大鶴合兵八百  
進戰。弓銃亂發。隆種欲分兵防之。軍素無紀律。騷擾。  
道雪。摩菟曰。敵敗。急進擊之。于時連真等大叫馳之。  
小田部大鶴自山上橫衝。隆種軍大敗。走入委奴。追  
北過河至野外。道雪退入白杵所。成博多砦。是月。立花

記作九 秋月種實。筑紫廣門率兵三千。軍太宰府。以  
年秋 薄巖屋。屋山種連告急。道雪自將。由山道出御笠。會  
紹運于北谷。定軍議。率兵千五百當種實。紹運兵千  
當廣門。日午整隊下山。種實廣門遁走。俱縱兵追之。  
薦野增時父子兵三百。屯觀音寺。要擊之。廣門邪經  
御笠郡。走基肄。種實從吉末磧。走夜須。薦野家譜 九月。道  
雪與紹運及志賀道輝謀。擊原田隆種。紹運駐守巖  
屋。以備秋月筑紫。道雪率兵過生松原。入委奴。別遣  
兵五百。乘輕舸。與木付鑑實。合攻高祖。道輝由日向  
坂前。先是大友氏遣由比紹鐵。朽綱宗歷。將兵三千。

卷一百六十八  
四十一



略上座。種實聞之。自率數千人。軍麻氏良城。宗像氏  
貞有故不能出。道雪。道輝夜半傳發。隆種聞之。欲誘  
兵深入以擊之。不置兵坂道。特發千餘兵。拒道輝于  
日向坂。自督兵二千。以原田林慶等爲先鋒。軍上原  
上山。道雪已入委奴。行焚民舍。不見敵。遂進薄高祖。  
小野鎮幸。由布惟信等。望見山上敵。進與戰。道雪憚  
深入擾亂。麾兵來及。使鎮幸等競進力戰。敵敗卻。隆  
種以千餘兵屯左阜。鼓譟橫衝之。師不利。敵尾擊。兵  
潰走。至姪濱。道輝亦爲波多江等所敗。登大西山。休  
兵馬。道雪背十六町河而陣。隆種連追。并兵進薄姪

濱。敵或謂後有水。彼疲極。潮且盈。請擊。林慶不可曰。  
今擊之。彼必致死。不如待潮涸。增時。鎮幸謂道雪曰。  
潮若涸。罷卒爭走。追其未涸。戰必克。道雪曰善。下令  
曰。潮方盈。不殲敵則不免。乃督兵二千。鼓譟齊進。敵  
乘勝鋒銳甚。鎮幸等死戰。卒皆力鬪。遂擊破。追北過  
長垂山。林慶逃至上原村。反戰。道雪兵夾擊。獲林慶。  
其兵二百皆殲焉。散兵走高祖。追躡薄城下。縱火而  
還。薦野家譜

○豐前覺書作天正七年八月。或云永祿十一年。  
今按本書作原田親秀。原田系圖無親秀。隆種削



髮號了榮。一名親秀矣。親種。隆種第四子。以天正元年二月。自殺于高祖城。

是月。道雪。紹運合兵。出鞍手。縱火焚杉城下。誘種實出戰。種實聞豐師軍。企救田河。將攻高橋元種。將兵赴之。不得共戰。大鶴。鑑尙守津久見嶽。多賀隆忠餘黨。仍保高宮嶽。為種實所誘。皆反。道雪。紹運召道輝。出將夾擊之。鑑尙因道輝乞降。道雪命斬之。九州軍記、治亂種實軍柴田。道雪。紹運合兵。軍針摺。夾河交射。既而進戰河中。寂寡不敵。道雪等欲退入巖屋邑城。秋月兵追至耳川。日將暮。或諫種實不聽。紹運使惟信

等兵二千。自間道出敵後。大呼擊之。敵騷擾。死傷且盡。紹運建旗幟數千於二日市。針摺間。種實望見。以為豐師繼至。由杉塚。長岡。終夜走還彌永。十二月。杉麻生。許斐。江刺等。侵掠糟谷地。道雪邀戰兩三日。輟秋月兵。而遣戶次。鎮榮等。襲許斐。擒氏備妻孥。分兵守其寨。氏備聞變歸城。已為人有。走德重。宗家氏真大怒。放氏備于大島。明年除日。氏備復許斐云。九州軍記、天正八年九月。道雪。紹運會石坂。進軍潤野。種實遣兵八千掩之。將逆戰。大橋京林曰。時辰未可。秋月兵益進。先鋒欲鬪。京林曰。未進數步而日可。士卒齊起。



大破<sub>二</sub>秋月兵<sub>一</sub>。追<sub>レ</sub>北三里。至<sub>二</sub>土師村<sub>一</sub>。馘<sub>二</sub>敵三百五十<sub>一</sub>。封<sub>レ</sub>之爲<sub>二</sub>三墳<sub>一</sub>。豐前覺書。是年。與<sub>二</sub>隆信<sub>一</sub>戰。不利。隆信來圍<sub>二</sub>立花城<sub>一</sub>。道雪乞<sub>二</sub>援于宗麟<sub>一</sub>。而不出。遂與<sub>二</sub>隆信<sub>一</sub>行<sub>レ</sub>成。逸史。天正九年。以<sub>二</sub>廣門<sub>一</sub>數寇。築<sub>二</sub>砦于麥野<sub>一</sub>。及<sub>二</sub>官司嶽<sub>一</sub>。灰塚。津久見嶽等。防<sub>レ</sub>之。立花記、豐前覺書。道雪結<sub>二</sub>運發<sub>一</sub>兵六千餘。伏<sub>レ</sub>路。縱<sub>二</sub>火于古所山址<sub>一</sub>。抵<sub>二</sub>石垣山<sub>一</sub>。種實老井田親氏率<sub>レ</sub>兵拒<sub>レ</sub>之。進<sub>レ</sub>戰。獲<sub>二</sub>親氏<sub>一</sub>。立花記、大友興廢記。十一月。鷹取守將森鎮實乞<sub>二</sub>糧及火藥<sub>一</sub>。大友義統命<sub>二</sub>道雪<sub>一</sub>納<sub>レ</sub>糧。道雪將<sub>レ</sub>出。聞<sub>二</sub>筑紫及龍造寺欲<sub>レ</sub>乘<sub>レ</sub>間襲<sub>二</sub>立花<sub>一</sub>。使<sub>二</sub>小野鎮幸等<sub>一</sub>納<sub>レ</sub>糧歸。宗像兵邀<sub>レ</sub>之。金原。道雪聞<sub>レ</sub>之。忿<sub>レ</sub>。遽著<sub>レ</sub>甲。上<sub>二</sub>城樓<sub>一</sub>。謂<sub>二</sub>

左右曰。和泉往。必不至<sub>二</sub>狼狽<sub>一</sub>。淺川聞書、立花記。杉連並<sub>レ</sub>出兵追尾。鎮幸返<sub>レ</sub>擊。卻<sub>レ</sub>之。宗像兵與<sub>二</sub>土豪<sub>一</sub>合。俱夾<sub>レ</sub>擊。鎮幸等當<sub>二</sub>左右<sub>一</sub>。獲<sub>二</sub>首三百<sub>一</sub>。日暮。退保<sub>二</sub>吉川嶺<sub>一</sub>。典慶記、天正退考記。天正十年二月。道雪討<sub>二</sub>山門邑<sub>一</sub>。叛<sub>レ</sub>民歸。原田兵要<sub>レ</sub>之。生<sub>二</sub>松原<sub>一</sub>。發<sub>レ</sub>銃擊<sub>レ</sub>之。道雪督<sub>レ</sub>兵返<sub>レ</sub>戰。左右傷者多。豐前覺書。十二月。道雪。結<sub>二</sub>運率<sub>一</sub>兵。軍<sub>二</sub>石坂<sub>一</sub>。潤野。遣<sub>二</sub>鎮幸<sub>一</sub>。焚<sub>二</sub>秋月食邑<sub>一</sub>。嘉摩。穗波諸所。而還。秋月兵八千。要<sub>レ</sub>擊<sub>レ</sub>之。偕<sub>レ</sub>駐<sub>レ</sub>軍。以待<sub>レ</sub>敵。已近。衆進<sub>レ</sub>戰。破<sub>レ</sub>之。獲<sub>二</sub>首七百餘級<sub>一</sub>。立花戰功錄、高橋記。十一年春。廣門屢<sub>レ</sub>出<sub>レ</sub>剽掠<sub>レ</sub>近邑。道雪。結<sub>二</sub>運合<sub>一</sub>兵擊<sub>レ</sub>之。或伏<sub>レ</sub>兵當<sub>レ</sub>之。殺傷互多。十二年四月。廣門侵<sub>レ</sub>御笠。道雪



逆戰于武藏城下。擊破之。立花記七月。義純出師于日田。令攻猫尾城。城固不拔。將罷歸。道雪。紹運聞之曰。豐府宗臣多死耳。川兵威日衰。爲秋月。筑紫所侮。我發兵合豐師。可以樹功。留統虎守立花。八月。親督兵二千夜發。過秋月。筑紫。星野。問注所。草野之地。出兵邀擊者。皆走之。涉筑後川。而軍野田。峯山。豐前覺書道雪與豐諸將議。進軍河碕大藏山。分兵略西郡。攻西牟田家親城島。而略柳河近邑。高良山。良覺來送款。豐先鋒朽綱宗。歷移軍高良山。黑木政實以猫尾城而降。高牟禮。成聞之而潰。蒲池鎮漣。杉連並等皆降。進

焚柳川近邑。瀨高。上下莊。鷹尾。至三池郡界。西牟田。及和仁親實。三池鎮實。邊春等。皆送款。立花記引道雪文章十月。道雪及紹運次高良山。進攻草野重長。重長父子戰敗。棄城走。保發心嶽。縱火於其城。侵星野。問注所邑。遏兵于諸城。進入秋月境。侵略郡邑。豐將田原親家。聞道雪等攻秋月。與種實戰于上座。而不利。收兵還日田。道雪等聞親家敗。又引兵還。次高良山。治亂記橋親家猜忌道雪。紹運功績多。構讒間。義純回師。肥陽記天正十三年四月。進兵焚柳川鷹尾城下。侵略近郡。立花記九龍造寺政家使後藤家信將波多筑紫



兵軍久留米。豐師當秋月。佐嘉兵。道雪。紹運當家信  
筑紫兵。戰于小森野。敵寡不敵。稍引還。敵追躡。反擊  
卻之。治亂記七月。與紹運。破北野赤司二砦。薦野家譜九月。  
疾卒于高良山陣中。年七十三。立花家譜遺囑帶甲葬  
于筑後北野。古物語後改葬立花城梅嶽。覺書立道雪  
年弱在藤北。夏月架棚于大樹下而眠。雷雨俄震。抽  
刀斬之。傷足。興廢記行步不便。常乘兜轎。把刀高田作長二尺  
寸。及手銃。又附腕貫于三尺手棍。從精兵百于左右。  
各執眉尖刀。稱曰足衆。每軍令昇轎。迨接戰。揮棍於  
轎中。擲擊左右。奮勵曰。惠以登宇云云。且謂乘斯機。

九下當有  
又稱統虎  
字

捐吾轎于敵中去。是以每戰。前部雖敗。中軍未有一  
敗。善撫綏士卒。設與賓客接。士若有過。乃爲謝曰。請  
恕。渠等不馴。禮節。然當軍旅。則發火華也。自揭手擬  
把槍。客曰。何管他事。古物語宗茂。小字千鶴丸。系圖家譜生  
稟強健。乳哺不滯。甫四五歲。若他七八歲兒。逮六七  
歲。好武。戲倒童兒。最輕捷。及長。聰敏穎悟。有辨才。八  
歲出觀物。群不逞。鬪諍擾亂。衆懼走。從者將扶去。統  
虎自若曰。觀物畢矣耶。對曰未也。鬪諍起。非幼者可  
居地。統虎哂曰。我不耐見汝輩。狼狽。我非彼敵手。奚  
濫加害乎。更無蕩搖。逮十歲。父紹運令。菟尾某誅刑



人。統虎問其狀。對曰。從背一刀下截焉。左右曰。後截爲易。統虎曰。莫論前後難易。惟以獲爲功。若除易就難。不能則如過戮何。是無益之論。軍旅之障礙也。立齋記。舊聞。十一歲往立花。見道雪。道雪引享之。召壯者。試射。視之。戲謂曰。子猶幼。恐未能。對曰。弧矢將軍。何謂不勝。卽挽側弓曰。弱。請道雪牀上弓。尤勁者。乃射四發。三中。道雪使人請統虎于紹運。不聽。居三年。請而不已。遂許諾。薦野家譜。十二歲養鴈于郊野。童幼多從。會狂狗吠走。衆怖去。統虎親逆。抽劍倒擊。狗畏縮而去。他日紹運問曰。胡爲不伐。統虎笑對曰。嘗聞刀劍以

斬人。未聞斬狗。紹運攬淚誠曰。度量有餘。才智超倫。成長之後莫誇焉。迨十三歲。紹運出軍。謂統虎曰。子又從軍乎。對曰。意雖欲從。軀未剛。遇敵徒死遺憾也。舊聞。願歷一二年。當一方敵矣。請辭。舊聞。天正十年十一月。大友宗麟使朽綱宗歷攻問注所治部大輔于井上城。城將陷。秋月種實爲後援。宗歷解圍。對抗筑後川。紹運。道雪遣兵援宗歷。會有叛者。宗麟召歸宗歷。道雪。紹運相議。縱火于嘉摩穗波。侵畧郡邑。將回兵。種實率兵追尾。道雪。紹運軍石坂。統虎時十四歲。謂衆曰。敵已咫尺。能從我者。殊作一隊。距紹運軍三町



許。傳臣有馬伊賀諫曰。敵兵殺。恐爲其所圍。不得復  
與大軍合。統虎晒曰。彼雖殺何能爲。若與大人併部。  
士卒不肯從我命。姑從余言。伊賀嘆曰。老將猶知不  
及。君尙弱。初陣乃如斯。分兵百五十從之。秋月兵踰  
坂進。已邇。紹運麾殺電擊。自又揮眉尖力而進。統虎  
督兵橫衝之。秋月後軍進。大戰于坂路。敵察爲將帥。  
皆萃。統虎暨伊賀力戰。斫敵三騎。傷額。敵掘江備前  
趨統虎。統虎射之。汰長刀柄。中左腕。備前益奮。捨刀  
與搏。統虎遂撲僵之。令馘焉。舊聞記。薦野家譜。○高  
橋記。立花戰功錄。並作  
十六歲。原田隆種已屬龍造寺氏。勢甚張。蠶食早良過

半。屢踰山侵那珂郡。小田部大鶴。疆土日蹙。道雪。紹  
運爲之援。纔得自保。隆種築砦巖戶鄉久邊野。使其  
人笠大炊助兵三百守之。道雪曰。隆種鳴張。踰山略  
那珂。屬多事。姑舍之。今乃深入築砦。是壓我也。使宗  
茂將兵千餘擊之。

○野史氏今按。此軍係天正十年四月。然石坂之  
戰。諸書多作統虎初從軍云。石坂之戰。是年十一  
月矣。恐有誤謬。故姑缺月。以俟後考。

晨傳壁。分兵東西並進。城上矢石交下。立花兵疾攻。  
日午克之。斬首多。敵皆走。早良終燬砦而還。薦野家譜。會





土寇七百保。大久菴村。將伐之。設塹於村外。廣四五丈。不可踰。遂引歸。豐前覺書。道雪稱揚統虎勇武。強請。紹運。以爲女婿。舊聞記、系圖。

○古鄉物語云。紹運請嗣於道雪。道雪以二男主膳。年齒尙幼。強請宗茂爲嗣。

逮道雪卒。宗茂繼其後。居立花城。藩翰譜、舊聞記。天正十四年七月。島津義久侵掠九州。出師逼巖屋城。統虎遣人謂紹運曰。巖屋非險要。請移寶滿而據守焉。紹運冷笑曰。運盛則生于死地。衰則死于生路。我死期在邇焉。弗聽。統虎濺淚。遣野上七郎等二十七人赴援。

運糧菜。紹運不悅。盡令遣歸。舊聞記、殘太平記。城遂陷。紹運自殺。統增就虜。所守立花一城耳。統虎自若曰。我固知其必然。待敵來。據城戰死而已。益嚴守備。薩兵遽圍。使人來謂曰。巖屋已定。將有事立花。寡君素與君無仇。今者將撫有西海。君請爲寡君居間。以與豐平。往屢以此請大人。大人不聽而死。君非與關白有舊誼。若與寡君。所有縣邑。我其無與知。又使謂諸士曰。子君少未習事。子輩良圖。勿徒取夷滅。使者三反。立花鎮笑。由布惟信等會議。或曰。薩軍銳甚。筑紫已降。以巖屋之武備。猶不能終守。我非愛死。顧先君之子。



一人而已。君設懼禍。宗祀永絕。或謂。死生命也。士窮不失節。君故豐宗室。已與殿下有約。義不可倍。且先君俱以武者。無所降屈。今薩雖強。北面事之。能無愧于心乎。巖屋已執義沒。且上國之援。不過二旬必至。我兵雖寡。戮力固守。可保三旬。若不能則死耳。統虎曰。我與其生無義。寧死敵。爲誓。衆大震。

○立花懷覽記云。薩軍將攻城。城中恟恟。謀無所出。內田鎮家曰。臣請見薩將。說而援之。不成死之。遂往見薩將。約降。薩將大悅。居三日。鎮家復往曰。前日之言非耳。明日辰牌。決鬪於城下。臣歸。願得

賜以爲證。因獻長刀。薩將怒曰。豎子誑我。立花人何以能戰。軍有故事。特宥汝命。新納武藏受長刀。授以刀。鎮家歸。保聚以待。薩兵不至。二十四日。收兵濟宮路川而去。○國史實錄云。薩兵誘降。宗茂對曰。去去年宗麟上洛。而後秀吉下令。以筑前爲公領。命紹運道雪。爲兩奉行。凡爲武夫者。以無貳爲職。是以紹運已死。義我雖年少。不欲竊生路。而流醜於天下也。惟俟薩軍至而死耳。再三不應。薩兵僉曰。義士也。乃回師。

益修守備。高壘完墻。薩軍攻巖屋多死。立花絕險。守



兵比巖屋又多。攻之不能下。恐上國援兵承其弊。不敢薄城。止焚郭外廬舍而已。

○立齋舊聞記云。薩兵知竟不可降。議攻取。暴師數月。迨八月二十四日。遂焚城下。引兵歸。宗茂曰。受圍數月。見敵去。不能追。如人之嗤何。即遣兵追蹤。頗有斬獲。○島津世錄記云。使者反命。皆曰。義士也。殺之不祥。遂班師。○九州軍記云。薩師次遠矢原。放火立花城下。分據要害。時出輕兵發銃攻城。迨八日。藝師渡海而進。收兵入肥。次八代。○安河內氏筆記云。薩師傅城。城中固備。弓銃亂發。屢

出禦戰于山谷間。薩師不能進云。

當是時。寶滿爲秋月所據。義久命置戍於巖屋。又修高島井。使星野吉實兄弟守之。以遏立花。八月。黑田如水。宮木豐盛。航海至柳浦。藝師繼之。薩師在立石小倉者。皆退保巖屋。已而。義久命諸軍在筑前者。退入肥後。二十四日。薩師引還。城中出兵從之。斬獲頗多。治亂記、薦野家譜統虎追躡。薩師歸途。攻星野鎮。胤于若松城。拔之。鎮胤兄弟。一族二十餘人。悉殲焉。肥陽軍記、治亂高島井城。距立花城六十町。初宗像氏所鎮。廢已久。薩兵修之。使星野吉實及弟民部少輔拒守。按殘



記作星野少輔三郎親綱兵二百。宗茂與吉川元春。小早川隆景。併立三千攻之。一軍鼓譟而登。矢丸雨飛。士卒爭乘壁。吉實兄弟禦戰死之。縱火城陷。舊聞記、淺川聞書秋月種實使桑野新右衛門守巖屋。統虎伐之。先鋒偪城。發銃相挑。士卒素諳地理。由山谿中爭進。縱火于城。新右衛門不能拒禦。遂棄壁逃去。豐前覺書、高橋記秋月兵守寶滿者。聞之又潰。薦野家譜統虎嘗送款於關白秀吉。於是秀吉嘆曰。薩人屢侵伐九州。只統虎以寡能禦衆。斬戮數百。爲孤完備者。特統虎而已。可謂西海一人矣。乃予書褒焉。舊聞記、藩翰譜

○薦野家譜云。天正十四年冬。統虎聞秀吉西征。與紹運議曰。關白征九州。宜請爲先導。當是時。士夫專事戰鬥。不嫻辭令。乃擇薦野增時。授族立花。與紹運使者。赴大坂。因黑田如水以聞。秀吉大悅。將見之。如水問其所齎。對曰。棉布二十端。如水哂曰。此太儉薄。乃買束帛爲贄。以棉布爲使者贄。秀吉引見二使。曰。紹運統虎首歸我。忠莫大焉。賜刀於二使。且曰。子等速歸。固備禁戰。以俟我師。使者反命。隣邦人聞之。乾笑曰。紹運父子請援于上國。道路遼遠。何時能到矣。今按。紹運已沒。疑有誤。



天正十五年六月九州悉平。秀吉封統虎。以筑後三郡。食十二萬石。治柳川城。舊聞記。秀吉授羽柴族豐臣氏。武家補任。尋叙從五位下。任左近衛將監。藩翰。  
○今按。立齋舊聞記載。去年九月。秀吉所賜書。已載立花左近將監殿。然既稱之。今更任矣乎。  
佐佐成政封肥後。撫民不順。土寇屢起。郡邑騷擾。成政不能剗平。會平山寨糧盡。乞救於鍋島勝茂。勝茂率兵七千。赴援不克。事聞大坂。九月。秀吉賜書于統虎。赴援。統虎乃率兵千八百。舊聞記。入肥後。成政遣人請救山鹿附寨。蓋平。統虎應諾。夜潛兵造山鹿。次

日黎明。分作三隊。對隈部城。而運糧於山鹿。東西附寨。城兵追躡。統虎親揮。屢返擊。及日晚交綏。佐佐軍。  
記。國人大津山家稜亦叛。成政乃攻大津山。藹嶽城。遷居前原。成政使佐佐藤右衛門守焉。家稜怨憤。歷日。會內空間。鎮房遣人誘與黨。家稜悅。應諾。募兵二百六十。據大田黑神尾城。聞柳川兵運糧于山鹿附寨。與和仁親實。邊春親行。謀合。出兵于路。將遮奪之。而不及。遇歸路。統虎擊走之。斬獲頗多。佐佐軍。終擊悉平之。藩翰。十六年。統虎述職京師。秀吉謂曰。去年預定議。封卿于肥後。而聞家衆皆不欲。是以罷於南海。



西海設有闕國。則依卿所請封之。統虎頓首謝曰。當是時。浴殿下恩惠。猶有步騎三千。以足禦一面。國郡更無所欲。惟願生前聽殿上仙藉。舊聞秀吉感其志。為執奏。叙從四位下。任侍從。謂左右曰。山東本多忠勝。鎮西統虎。一雙之士也。舊聞記、藩翰譜、統虎改名宗茂。圖系作十年。文祿元年。宗茂率兵三千。或作二千五百、征明。與諸將攻屠城邑。而守朝鮮王城南門。南門明之衝路。而當王城乾方。歷數日。韓虜數千。據要地。阻撓我便路。欲逐之。未發。蜂須賀家政。有馬晴信等引兵還。宇喜多秀家遣人問詢逐虜。宗茂乃檢地利。是夜遣夫卒。芟

草。虜未識。明夜宗茂率兵千餘。分作二隊。為覆。固誠曰。雖虜出。必勿競鬪。徐徐追躡。可就而入焉。虜二千果出。兵起追尾逆戰。宗茂邀之要地。三面掩擊。逐北。遂乘虜寨縱火。斬獲七百餘。八月。朝鮮王脫去王城。匿義州。乞救于明。明主使祖承訓為將。督虜五萬赴援。到平壤安定館。小西行長率兵七千自安定。黑田長政自黃梅來布營。秀家亦使大友義統。及宗茂兵八千。列陣對明虜。七日黎明。明將史儒率明韓虜五千餘。突行長前部。是日。河霧四塞。我軍未識。事發不意。前部敗。長政督兵六千。邀擊當史儒。史儒傷



而退。長政猶進。韓虜三萬。遽起圍長政。史儒亦圍虜。四圍數重。戰鬪殆危。義統。行長懼而不出。宗茂奮起曰。不可棄也。乃督兵二千。親自把戟而進。長政得機縱橫奮擊。終破之。行長望見韓虜色搖。經廻其右。討捕史儒。獲虜三千五百餘。尋行長保安定館。距中路四里餘。義統繼之。統虎。長政相次。以爲開城府聲援。明主聞敗。遣李如松。宋應昌。帥虜二十萬來援。到遼東界。韓虜逃匿者又加之。唱言四十萬云。文祿二年正月六日。明韓併襲行長于安定館。繞圍數重。我兵努力捍禦。爲所毀柵一重。衆勢不撓。屢伐明虜固備。

義統聞之。遁走抵宗茂營。曰。行長爲虜被殺。禦戰不利。願偕入王城。宗茂謝曰。我未聞行長死。且不見虜而走。是我所不爲。請俱爲後援。擊虜卻之。行長若不生。則爲之吊戰矣。義統戰慄。不肯曰。以我寡對衆虜。奚得生還哉。言未畢。奔去入長政樂川營。謂長政曰。行長旣被擊。故我退。途說宗茂退陣。渠年弱不聽。意渠今就擒乎。戰死乎。不出二路。長政曰。未明虛實。雖俟信而進退。又不爲遲也。義統猶不能保。遂走王城。行長禦戰竭力。九日黎明。終棄營而去。明虜逐擊。危戰數回。屬兵漸漸退走。十日平旦。宗茂察虜舉動。欲



決戰。將發。弟增統嘗在王城。誤聞宗茂就擄。駭忿。率兵七百。疾馳到。與宗茂相逢。悅。卽併兵三千。向安定館。往三里程。兵二三千。揚舉馬烟來。近見之。乃行長也。問狀。對曰。虜衆叵禦。且追躡來二三里。言終走去。統增曰。誘行長。遮戰于此。宗茂曰。敗將不可共備。乃殲三千兵。作五隊以備。明虜七八千奮來。宗茂統增奮然發。闕三面掩擊。明虜不能禦。虜盡敗走。追擊獲首一千餘。敗虜歸安定館。所在明虜遽驚。走十餘里。宗茂還營。竦王城動止。諸將相議。謂。霸湘川水可消。不可涉人也。大谷吉隆馳驅。巡視河邊。命曰。請疾退。

於是宗茂暨長政俱還王城。明虜亦到開城府。相議守備。王城宏濶。陣營不整。秀家等或謂。去王城。退保釜山浦。而乞援軍。以再戰焉。或議構柵于城外。固備焉。小早川隆景特謂秀家曰。虜勢日加。頗強盛。我無防禦之備。又無一人與謀。虜設來則衆如之何。請嚴戒守禦。對曰。大虜數十萬。我軍何能當焉。頃聞秀信帥師而發。不日必到。不若竦之。且聚散兵拒戰矣。虜如急襲。則退與諸將偕守禦。隆景曰。不可也。義統。行長既敗走。渠得機而進。長政。宗茂頗得利。今走保于此。虜益加勢。我師今避王城。使虜入。勢倍不可敵。我



不可敵我  
下恐有闕  
文

秀包突戰。宗茂借擊遂克之。與秀包整旅。十七日遂拔晋州城。獲牧使。四年六月。秀吉召歸宗茂。使備不虞。賜第于伏見大坂。舊聞行長詐謀發覺。講和事敗。秀吉赫怒。慶長二年春。諸將航海。四月。明主以楊鎬。劉綖。麻貴為將。虜數十萬而發。諸將各據城寨。以為長陣之固。是冬十三日。楊鎬率虜三十萬。圍清正於蔚山城。清正城代加藤直正。及淺野幸長。太田一吉等努力拒戰。清正聞警馳突。圍虜趨入城。速念後。糧食竭乏。割馬而食。或夜出探尸。虜炒米牛肉等。以凌饑。事聞釜山浦。秀秋。秀元。正政率師三萬。踰舟路達

蔚山。慶長三年正月四日。達蔚山十二里。北上陸路。掩擊明虜。楊鎬敗而退去。先是明虜一萬。據般丹城。丹距釜山浦四十里。釜山浦兵寡。士氣不振。秀家誘宗茂巡視。宗茂領諸曰。非惟巡邏耳。臨機一擊以試焉。擇精騎八百。是夕發釜山。時寒風裂膚。暴雨浸甲。宗茂誠士卒。半夜抵般丹。窺虜不備。縱火擊之。虜倉黃散亂。不能拒禦。虜將牧務遼周章先脫。虜大潰。獲首五百。俘斬甚多。舊聞記。朝六月。逸史作明將麻貴。舊聞記。梅桶率虜六萬。攻清正于蔚山。行長。嘉明在順天城。行長懼而走松島城。嘉明固守。明虜海陸分部



撫山東不  
與上文不  
屬恐有脫  
文

撫山東。在此一舉矣。衆同之。獨立花增時入道賢賀  
不從曰。我嘗聞智將勝無形。內府長兵器。將有事於  
關西。未發師之前察之。則棄會津回師。三成等雖稱  
幼主命。衆悉不協。且如水清正與三成不和。從內府  
者必多矣。我善守城。屬內府。與如水清正合謀。保全  
社稷。宗茂曰。成敗姑舍。是豐公之恩。藝侯之誼。共不  
可諉矣。乃與秀包。已胥議。赴安藝。屢諫輝元。不聽。與  
秀包往大坂。與衆合謀。率兵頓勢多。京極高次在大  
津城。應東。自焚外街。構柵于東西海道。阻撓行旅。宗  
茂聞之。歷山路赴大坂。問計于輝元。輝元令宗茂攻

大津。於是宗茂還勢多。率兵拔木津口。鹿角木。逐守  
者。而向木津。伊東祐丘。毛利秀包等。據阜丘。構樓。縱  
巨銃。攻擊。或登高觀音山。連發火熾。城樓壞崩。壁墻  
露籠。九月十三日。衆合攻。宗茂超衆。遂拔三郭。而登  
次郭。薄牙城。高野木食僧。來往說和平。十五日。高次  
致城。宗茂使家人白杵新助。送高次于高野山。宗茂  
入守城。次日平旦。宗茂東抵草津。聞關原之敗。東師  
攻佐和山。部下或謂。良方天色赤。佐和山陷矣。十七  
日。率師三千。入京師。駐騎于御幸町。舊聞記、慶長記、木下家  
定從高臺夫人之言。猶在京師。宗茂使人謂曰。令郎



改圖。言語道斷。卿如有意於嗣君。請俱至大坂。嬰城一戰。辭曰。去就難猝決。子且先往。乃閉門自守。嚴戒高臺夫人。聞宗茂入京師。懼而走入禁闕。宗茂哂曰。渠固當然。遂奔大坂。駐天滿橋。使謂輝元曰。公必嬰城。請受一陣。辭曰。姑議而後答。宗茂曰。咄。今日何議有之。乃入城。見輝元曰。欲向關原。軍旣敗。將士潰亂。雖然是城猶完。東師必至。速嚴守備。拒戰則敗。軍聚合血戰。應對東師。請疾分隊嚴戒。我亦受一陣。輝元思慮愴然。少時而曰。我師陪東。敗于關原。况東兵加多。我軍散失。以斯疲兵。何捍東兵之強乎。我旣決所

置矣。宗茂切齒而去。謂歸國觀變。部下諫曰。君之所。以報國。酬知。畢矣。盍改圖保宗。宗茂乃使人乞降於行營。會秀包亦至自大津。宗茂告情勸降。且欲俱就國。秀包曰。我當觀吾納言而進退。宗茂至海門奪舸。與義弘遇。尼碕俱歸筑後。義弘勸自薩入筑。宗茂辭而還柳川。慶長記、逸史、

○按中興武家盛衰記云。宗茂與輝元別。欲遇島津義弘。定去就。携義弘弟家久妻到川口。而竦義弘之至。一日夜。義弘僅免到界浦。宗茂聞之。赴會議。義弘勸其俱歸國。宗茂辭曰。我如從卿之言。則



人將謂宗茂黨賊。失居處矣。我甚愧。不如就國。竢敵快戰而死。乃別去。

浚隍修壁。設備器仗。積糧嚴戒。十月。加藤清正遣人勸歸順。對曰。懇歎之情難報。然頃聞鍋島勝茂新降德川殿。得完封邑。欲屠我城邑而謝恩。我嘗與彼有卻。今聞其來攻。不接一箭。避城去。所吾不能。願與快一戰。而後不論勝負。以城邑致卿。乃贈盟書。清正感志。藉陣以俟報。鍋島勝茂自將步騎二萬。出陣入院。在筑後。○古鄉。黑田如水亦討不順。經豐前抵山川。物語作鉢院。初勝茂聞宗茂歸城。欲攻屠以償前日

中興盛衰記。石田軍記。

之不義。起兵。柳川之地也。隍塹多。僅通小架。匡行大軍。勝茂計架假橋。構柵于崖畔。或修築隄封。途覆兵而抵入院。於是宗茂與宿臣議。僉謂。邀擊有利。宗茂曰。方今三面受敵。無所遁。我嘗欲<sub>下</sub>竢如水接办。以決雌雄矣。治部敗亡。大坂恆弱。我甚愧。是以期一戰。欲傳武于後而已。乃就睡高軒。老臣小野鎮行。立花三河。嘗為左右隊長。隊下群士。居常競武。互懷確執。時十一月。鎮行三河<sub>或作三</sub>率<sub>太夫</sub>逞兵四千三百。次榎木原。或日三河子茂家。與隊下士。僅出與勝茂兵戰。獲首五十餘級。古鄉物語作茂家。而戰。鎮行部下聞之。歷



日鎮行子茂高。及隊下士。夜潛出赴敵。三河隊下傳聞。相競又出徂敵陣。勝茂諸部懲悔前日朝驅兵。日夜邏逡。警衛不懈。是夜。勝茂細作察有夜擊。各部整隊嚴戒。茂高茂家等。發鬪雜伍掩擊。敵固備邀戰。鎮行茂高被傷。士卒敗走。或墜隍塹。死傷者尤多。茂家繼戰。復爲所破。多死傷。茂家亦被創而還。古鄉物語、

○按中興盛衰記。石田軍記並云。十一月和泉三太夫等。率兵四千三百。次榎木原。分作二隊。與勝茂兵戰。三太夫死之。和泉傷。勢撓而猶不退。死傷相互。勝茂揚兵而去。○古鄉物語不載。次榎木原。

皆作下出城而戰。勝茂乘勝進軍於城際。野史氏疑宗茂勇敢。先與宿臣議。皆非居受敵者。故姑從中興盛衰記。石田軍記載焉。

勝茂乘機而進。如水亦徙陣於藤山。與勝茂議。遣人講和。宗茂許諾。勝茂回兵。古鄉物語、清正使人稱贊將士勇銳。宗茂守盟。致城於清正。清正寘宗茂于肥後南關。善視之。盡收撫臣庶。昇以舊邑。稱曰柳川部。以列隊下云。藩翰譜、國史實錄、○藩翰譜、清正及如水爲懇請。宥宗茂罪。悉收采邑。而後東照宮備聞宗茂進止。使清正從東上。清正喻宗茂。往京師。見東照宮謝。



罪。命賜棚倉城陸奥、食邑一萬石。

○藩翰譜云。沒收采邑。而後每侍東府。賜奥州南鄉地三萬石。實慶長十八年也。○創業記云。賜關東田一萬石。或云慶長十五年。七月二十七日。賜棚倉一萬石。○又一說云。宗茂失采邑。居肥後高瀨。明年春。入京師。淹留三年。慶長八年。往江府。寄寓高田寶禪寺。台德公召列書院番頭。將賜三萬石地。東照宮聞之曰。宗茂者古老之義士。不論祿厚薄。宜與城地。是以賜棚倉城食邑一萬五千石。○野史氏今按。淺草寺塔中日音院。立花氏累世

所歸依。世諺云。宗茂寄食院中。有召命。賜棚倉城云。○國史實錄云。宗茂到大坂。乞降。東照宮宥罪。收舊邑。移奥州。賜二萬五千石。據之考則庚子年矣。○關原記云。賜棚倉一萬石。後十三年。賜本知柳川。然則實為慶長十三年矣。

大坂冬夏役從師。舊聞記。藩翰譜。元和六年八月。授封柳川城。十一萬九千六百四十七石。藩翰譜作十萬八千。今據中興盛衰記。改稱飛驒守。舊聞記。武家譜。寬永十四年十月。島原賊起。宗茂率子忠茂赴伐。明年二月平之。是冬致仕。剃髮入道。號立齋。系圖家譜。舊聞記。十九年十一月卒。年七十六。藩翰譜。



譜、系圖、或作七十四、法名松陰宗茂。號大圓院。系圖、舊無子。取姪忠茂爲子。忠茂小字千熊丸。實宣次子也。元和八年。叙從五位下。稱左近衛將監。台德公賜諱字。襲封而後。叙從四位下。舊聞記、藩翰譜、正保四年六月。佛郎機盛衰記、波爾杜瓦爾、賈舶。漂著硫黃島。忠茂受命。與西道諸侯。備軍艦嚴戒。終追卻焉。尋任侍從。改飛驒守。寬文四年。致仕。剃髮入道。號好雪。延寶三年秋卒。年六十三。家譜、藩翰譜、子鑑虎襲封。三男貞晟。稱彈正。頒食邑五千石。仕幕府。鑑虎子孫世侯。宗茂弟直次。爲父紹運嗣。更族稱立花。

高橋鎮種。姓大藏氏。其先與秋月氏同祖。中世光種。建武中。相足利尊氏。與仁木一色。爲筑紫三檢斷之一員。光種初補職。子孫相襲。築高橋城。世繼職邑。又城巖屋寶滿。而居之。迨大友氏興。三檢斷子孫微微廢職。或爲被官。迄天文季年。仁木一色嗣絕。光種七世長種。僅保祀耳。蚤死無嗣。家人屋山。北原。福田。伊藤等相議。請大友義鑑曰。高橋氏無嗣。故家將絕類。得公族一人爲後。義鑑乃使枝屬一萬田親敦繼之。改名鑑種。稱三河守。藩翰譜、勇武多材藝。大友宗麟愛材武。遇待甚渥。益采邑寶滿。巖屋田二千餘石。弘治



三年。守巖屋城。統知筑前國事。九州軍記、宗像追考記

○藩翰譜云。永祿二年四月益邑。○大友興廢記云。弘治三年七月七日。討秋月有功。予巖屋城。鑑種嫌忌僻地。與毛利元就通謀。招入秋月種實于其城。自構寶滿嶽城。令家人保巖屋城。而掠略郡邑。既及五郡。亟掠塞豐通路。宗麟聞而怒。使戶次伯耆吉弘左近。白杵越中等伐之云。

毛利元就密遣人于西州說。有憾于豐者。諭爲內應。先是宗麟耽溺鑑種兄一萬田某妻。託罪殺某。奪其妻。鑑種恚恨。送款于元就。永祿十年六月。修寶滿山城。

蓄糧。秋月種實其父之亾。脫走。陰圖復邑。聚黨來往。豐後伺釁。鑑種招納。約爲父子。使乞師於藝。曰。我舉兵。豐必來討。汝以藝師至。夾擊之。筑紫惟門子廣門在藝。去還肥前。招聚遺臣。攻三條城。以應鑑種。宗麟聞之。大驚。曰。廣門作亂。固宜。鑑種智勇超衆。君臣之義。蓋亦聞之。且我遇之厚。何故反也。豈其被讒而懼。抑又有謂。諸吏抑之不通。宜遣使者問之。諸老皆曰。君常以鑑種爲有材。待以殊禮。是以驕恣。蔑視臣等。且其爲人。小有才。無忠貞之節。然臣等所言。每不見用。鑑種君之所寵任。言之。卻以取咎。是以不敢。今果



叛。且鑑種有愬而不得通。宜親來中理。反據城叛。此不過啓藝自封疆耳。請速發兵抗之。不聽。曰。反果信。必有報者。姑待之。居三日。宗像麻生大鶴。小田部飛檄至。言鑑種反。多召集無賴。四出剽掠。星野一聞亦反。保寶滿。宗麟意彌疑之。使吉良五兵衛問鑑種曰。卿何所苦而叛。對曰。筑前肥前。政令之所不及。君無與知而可矣。豐將士有願屬藝者。我為代請。使者反命。宗麟悔怒。諸老豫閱兵峙糧。以待使者還。九州軍記。高橋宗麟乃使戶次道雪。白杵鑑速。吉弘鑑理。是秋七月。軍太宰府。七日。大戰于寶滿山下。鑑種兵敗。退保

巖屋寶滿。鑑速由巖屋城後山急襲城。兵三千餘死傷略盡。餘皆走下山。拏追擊之。鑑種爪牙足達兵部死之。城陷。道雪。鑑理圍寶滿城。城地險峻。加以六月以來完繕。雉堞牢固。弓銃亂發。經六旬而不陷。豐卒死者甚多。度急難拔。退軍山下。欲以奇道破降之。九州軍記。興永祿十二年五月。道雪等亦來攻。鑑種乞援于藝。藝師與豐師大戰于多多良濱。藝師敗去。迄十月。鑑種勢罷屈。因吉弘鑑理乞降。宗麟許之。予豐前企救郡小倉城。九州軍記。藩翰譜至是。鑑種臣高橋越前。及屋山。北原。福田。伊藤。成富。荻尾等復請宗麟曰。鑑種



背叛罪大。臣等不復以爲君。願使公族繼。撫其衆。則寶滿巖屋。莫不爲墟莽。初北原鎮久或作小原有寵。鑑種勸之反。迄鑑種遷小倉。不言而去。抵豐府。愬曰。鑑種怨恨。潛謀異圖。族滅不久矣。請迎吉弘。鑑理次男。鎮理以爲高橋氏之後。諸老相議曰。寶滿巖屋險要。宜得猛士守之。鎮理亦鑑種之族也。有文武之材。宜爲之後。遂許之。元龜元年。鑑種與鎮理爲父子之約。九州軍記、藩翰譜、鑑種與鎮理爲父子之約、九州軍記、藩翰譜、鑑種與鎮理爲父子之約、

○高橋記云。初父鑑理爲鎮種。娶齋藤鎮實妹。生宗茂。統增。○柳川吉弘某所藏古文書云。鑑種遷

小倉。以秋月文種之子元種爲繼。紹運非鑑種義子。永祿十二年。宗麟授巖屋寶滿於紹運。

鎮種。本名鎮理。小字彌六郎。改主膳兵衛。藩翰譜、與廢記、後稱三河守。逸史、主膳正。立花系圖、實吉弘鑑理。或作二男。爲鑑種義子。冒高橋氏。改今名。逸史、或作種統、爲寶滿巖屋城代。興廢記、紳書、領豐後三笠郡。藩翰譜、紳書、剃髮爲紹運。居巖屋城。時年二十三。後使子直次居寶滿城。藩翰譜、

天正七年七月。筑紫。宗像。原田。麻生。合兵。軍太宰府。紹運赴伐之。道雪遣薦野增時。竹迫統種。援之。大戰于觀音寺。秋月種實襲巖屋。紹運還軍拒戰。敵尾擊。



統種殿而死。紹運得間入城。立花記八年。與種實戰不利。來圍巖屋。乞救于豐。不出。紹運與種實行成。逸史十年十月。種實復起兵。來攻米山城。拔之。紹運率逞兵伏幽谷。急襲擊之。敵隕轉溝壑。追擊獲首二百級。興廢記。十二年三月。筑紫廣門遣人。佯爲販茶者。入巖屋。水繼盛藥。點火。置屋宇間。七日夜。風烈火發。屋宇盡焚。廣門望見。起悉其卒及諸砦兵。急來傳。屋山種連盡力防禦。會紹運從寶滿馳騎相屬。廣門引去。尾擊獲首級。豐前覺書八月。紹運與道雪出軍高良山。謀進伐。田原親家猜忌二人功勳多。間之宗麟。肥陽軍記十

三年四月。島津義久使種實等爲先鋒。來攻巖屋。宗茂送器仗兵糧。紹運不受。宗茂兵入騎密滯留。夜出斫薩隊長川上左京陣。獲首級。殘太平記是秋。道雪卒于陣中。豐諸將皆回。入日田。紹運將旋兵。筑紫兵謀遣人入寶滿。縱火。諸砦兵會之攻圍。城中兵寡。事起不意。不能拒禦。終紹運夫人。及子統增奔巖屋。廣門使其人守城。紹運夜半。望見火焰燭天。舉軍恟思。已而知其圖。收兵歸。居巖屋。自道雪歿。西路諸城皆褫氣。萬野家譜十四年。紹運與廣門和平。約以廣門女嫁統增。肥陽軍記七月。薩師拔勝尾城。藩翰譜或廣門出而



降。廣門兵守寶滿者。聞廣門已降。薩師將攻巖屋。又無固志。或歸言。紹運曰。君何不遣公子取寶滿。紹運曰。宜詢筑紫諸臣。乃遣人議之。筑紫臣議曰。公子已爲我婿。今猶子。公子果至。誰不翼戴者。九州治亂記作筑紫臣請紹運迎統增時歲十五。紹運以其尙少。且筑紫氏多變。詐召群臣問之。莫敢對。伊藤外記離次曰。鄙語有之云。買鷹百緡。宜試之。驚其直不過三十錢耳。君盍試遣公子。紹運曰善。乃使統增入寶滿。從者二十人。薩將使人謂寶滿曰。廣門已降。宜速致城。筑紫臣執統增以降。紹運聞之。遣伊藤源右衛門往視之。初鎮

久之誅。源右衛門有功。以失寶滿見黜。鬱快不樂。至是時。與族十餘人。馳至寶滿。入城。進執筑紫良甫。抽刀當其心。曰。汝欲奉令子。故遣之。今將行大逆。以媚於敵。何耶。吾輩欲相令子自裁。故來。汝若拒之。今死。其族亦各執一人。將刺之。或進開諭。納質子。議源右衛門乃留統增。高橋薩師步騎四萬。入筑前。時紹運在巖屋城。○碎玉話作名島城守兵寡。僉曰。不如避城。據寶滿。敵圍立花。則有後援之利矣。紹運曰。不可也。敵設分一萬兵壓寶滿。以三萬圍立花。則我兵不得出城。薩師雖衆多。如擊破一面。何難之有。又竭力鬪死。則勇剛



轟敵軍。彼攻立花之日。意懷沮畏。必矣。我死地在此也。子等去則去。衆感激其言。皆憤發固守。薩師果合圍。國史實錄。藩翰譜。島津家久使人來謂曰。廣門已降。卿收其遺臣。使統增保寶滿。何耶。寶滿筑紫氏之有。宜速致之。否必伐巖屋。紹運對曰。君之來。未嘗使一介命僕。猝抵太宰府。僕竊惑焉。今又命致寶滿。不知何故。君既枉師徒。願據城一戰。而後定議。龍造寺。秋月。張雄已久。一旦歸命。麾下廣門。身擁強兵。不能戰。輒以城降。僕雖不敏。不能爲此。必力戰以効死節矣。治亂記。高橋。乃據嶮要。拒備。薩部長伊集院忠棟。及原田隆種。

秋月種實等自前門。川上左京經。萱刈關。廻四王寺山。偪城壁。古鄉物語。碎玉話。宗茂使十時連貞請曰。巖屋淺陋。兵亦寡少。不可以當勁敵。上國援軍。將過赤馬關。而西。不如據守寶滿。紹運曰。相持量機。智者之任也。守節死義。臣之業也。古不謂乎。地利不如人和。寶滿雖險。衆士不和。非所以持久。我之於豐府。至親也。我嘗爲豐力戰。屢克敵。而天命不祐。疆土日蹙。物莫不有終始。是天喪我之秋也。足利氏興而以來。九州門胄。亾滅無餘。天之未喪我宗。保巖屋。亦可以卻敵。天之將喪。雖據寶滿。豈能獨免。我已決死。忍棄其守。而



取奔亡之辱乎。上國援軍道遠。何以能及。我急。若擇險莫若立花。雖然。方事之殷。父子同嬰一城。恐非上策也。且道雪知我。若使宗茂得免。我何愛死。我死。戰必能阻一旬。戮敵不下三千。薩師雖壯。喪三千人。則攻立花。必不能力。立花固兵亦多。薩兵善攻。可阻二旬。歷三旬。則援軍必至。但守子城。莫以我爲念。連貞反命。宗茂及群臣皆莫不泣涕。治亂記、嚴屋物語、復使其人往。且輸糧仗矢丸。紹運不悅。皆遣歸。藤輪譜、碎玉話、途遇薩兵于八田村。與戰而還。宗茂率兵出。敵已去。十時相摸物語、

○立齋舊軍記云。野上七郎等二十七人。皆止城。

俱拒戰死。

七月十四日。薩師進圍城數匝。鼓譟而登。城中亦應之。敵擁竹束爲盾。四面排銃連發。自午迄亥。起自巳至子。烟火晝夜不絕。火箭射城。屋皆灰燼。薩將傳令曰。援軍將至。宜速定九州。軍卒蟻附。旗幟混交。二十六日。羅城陷。退保二三郭。屋山種連。成富左衛門等。各分隊防禦。紹運與百五十人。居牙城。薩師請止矢丸。稱新納武藏呼曰。願與城中言。紹運上樓。陽稱麻生外記。見之。武藏曰。子君以寡當衆。可謂守節不忝。其職。雖然。嘗聞。義士不爲不仁者死。大友氏崇邪教。



虐士民。每戰不利。土壤日削。如我君。施德愛。諸士  
子來。戰莫不克。已并八州。以我觀之。子君不如早降  
之爲愈也。紹運對曰。吾子之言。不足以報寡君。僕當  
代謝。人之盛衰。譬如草木榮枯。莫不有時。時尙不利。  
雖有德慧。亦無如之何。棄義取利。臨危苟免。是寡君  
之所不爲也。聞者慨嘆。更使莊嚴寺僧來說曰。薩軍  
已取羅城。足以爲功。願與君成。得君一子。養視立花。  
寶滿。所隸縣邑。世世無有移易。且豐薩世讐。請君居  
間。以結二國之歡。俱戮力以擊卻上國師矣。紹運對  
曰。方今豐師屢折。我與宗茂。皆在圍城中。不能出援。

上國後援未至。死固其分。於是爲媾。豈非耻耶。我世  
有此地。且豐關白有封冊書在。與其不義取辱。不如  
守節而死矣。薩君由義而行。我之執諒。何以攻圍至  
此。他反覆無義之人。若斬其首。傳示我敢不納質乞  
降乎。和議遂絕。九州軍記、治亂記、薩軍議曰。城中戮力死守。  
從前門進。徒損衆。不如待嚮導。間出其後。乃求村民  
爲導。皆避兵山林。已捕杉塚農夫一人。昇金爲導。經  
國府。登四王寺山。將夾攻焉。薦野家譜、二十七日。天未明。  
薩師擁竹楯。傳崖下。黎明百道並登。銃丸雨飛。死屍  
充塞。自卯至午。薩兵更番互進。城兵疲乏。無有代者。



虛空藏臺先破。敵進入。寂寡不敵。死傷畧盡。退入次郭。諸士卒鬪死。或重傷自殺。紹運見諸門皆破。自督兵出戰。所格殺甚多。薩兵履屍而登。秋月兵歷間路。上四王寺山下。瞰牙城。伐木堙谷。鼓譟進攻。日晡城兵死且盡。餘五十餘人。創痍居半。紹運曰。不可以死人手。即乘櫓自殺。其士皆死。總三百六十人。

○島津世錄記云。一千餘人。○九州軍記作七百餘人。○藩翰譜作八百人。或作三百人。

薩士卒死者三千七百餘人。初宗茂使吉田連正。後藤種任等四十餘人來援。紹運曰。宗茂愛我。然敵衆

且剛。縱令有援兵數百。何以得免。且我已決死。子等

宜速歸守立花。以俟援軍。僉曰。臣等已請而來。何以

得歸。君復有命。皆致死於君前。紹運感嘆涕下。遂留

與守。及城陷。皆力戰死。九州軍記、翁物語、紹運時歲四十二。

高橋記作遺一緘書於鎧曳合。憑島津家久。乞達大

友氏。辭高橋記云。作絕命家久感義勇。洒掃燒趾。下胡

床。備禮厚。斂尸骸。築壇祭焉。古鄉物語、直次。逸史作

從藩翰譜。本名統增。小字彌七郎。稱民部大輔。系天正十

四年。薩兵已取巖屋。使人諭寶滿降。寶滿雖險。從直

次者。筑紫氏臣。互相猜防。且聞薩師以河內山。及巖





屋所獲妻子。置前行。以傳城。人人疑思。無有固志。及使者至。或議以爲城中兵寡。無以拒勁敵。且筑紫兵多詐。恐其中變。不如擁直次去。以爲後圖。因對使者曰。設有直次。得入立花。唯命之從。不然據城以死。薩將許可。納載書爲信。直次出。薩兵倍約。取道于南。衆咎之。薩兵曰。臨戰而盟。不必信也。囚紹運夫人齋藤氏于北門。在筑後。○肥陽軍記作此並。直次于吉松。在肥後。高橋記。龍造寺政家遣堀江仙入道。逐薩戍。奪歸齋藤氏。肥陽軍記。天正十五年。關白秀吉征薩時。直次在祈禱院。命宗茂召之。宗茂殆危。秀吉曰。三河入道賢賀老練之士也。

遣之。可迎歸。賢賀赴。遂伴而歸。書。神秀吉感賞。紹運死節。從士守義。以筑後三池郡予直次。藩治亂記。藩翰譜。主膳正。後改民部少輔。藩翰譜。備征明之役。守熊川支城。再渡。守加德城。豐臣家譜。庚子役。與宗茂黨大坂。坐沒收食邑。後遇赦。封常陸柿岡田食邑五千石。因令改族稱立花。系圖。藩翰譜。元和六年秋。宗茂復舊封。直次疾篤。不能登營。未幾而卒。藩翰譜。明年春。召直次子種次。賜三池田邑一萬石。尋叙從五位下。稱主膳正。弟忠茂爲宗茂嗣子。種次六世種周。叙爵。稱出雲守。歷奏者番。兼寺社奉行。爲若年寄。改稱和泉守。文化二年。



坐事罷職。子種善嗣。遷邑陸奥伊達郡。居下手渡。子種温嗣。今現侯。

高橋元種。德川記、舊章錄作長行、九州軍記、立花記、或作種冬。實秋月文種長

子也。弘治三年。文種自殺。元種庶出。生母携之逃。為

鑑種所擒。戶次道雪等。使鑑種殺之。鑑種憐其將種。

欲宥之。以為已援。陽稱家臣高橋越前子。置之寶滿

養視。報以已死。九州軍記、立花記。初字九郎。與兄種長。屬島

津義久。與大友宗麟戰。歷年。逮天正十五年。秀吉征

薩。元種先殺納款。賜日向宮碕城五萬石。德川記作四萬石。

證明之役。渡海。屬黑田長政。豐臣家譜、藩翰譜。叙從五位下。

任右近衛將監。藩翰譜。庚子亂。元種與相良秋月等黨

三成。守大垣城。在次郭商議。斬垣見熊谷等首。送款



於東師。先是伊東祐慶率兵攻宮碕城。十月。家人近

藤平左衛門拒守死之。明年五月。復賜城邑。藩翰譜、德川記。

慶長十八年十月。富田知信有罪。邑除。元種連坐。沒

收食邑。舊章錄作延岡。城五萬三千石。配流于棚倉。高橋氏不祀。





野史卷一百六十八終

Faint vertical text columns within a black border, likely bleed-through from the reverse side of the page.

野史卷一百六十八終



